

**Oratio parascevastica ad festum nativ. Iesu, in  
qua sacrae coenae usus continuus a primis  
eius institutionis temporibus, ad nostrum  
usque aevum, ininterrupta serie continuatus ut  
argumentum invictum pro veritate relig.**

**Christiana**

Autor(en): **Huldricus, J.J.**

Objektyp: **Article**

Zeitschrift: **Museum Helveticum ad juvandas literas in publicos usus apertum**

Band (Jahr): **- (1748)**

Heft 10

PDF erstellt am: **30.04.2024**

Persistenter Link: <https://doi.org/10.5169/seals-394624>

**Nutzungsbedingungen**

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

**Haftungsausschluss**

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Ein Dienst der *ETH-Bibliothek*

ETH Zürich, Rämistrasse 101, 8092 Zürich, Schweiz, [www.library.ethz.ch](http://www.library.ethz.ch)

ORATIO PARASCEVASTICA  
ad Festum Nativ. Jesu,  
in qua  
Sacrae Cœnæ Usus continuus  
a primis ejus Institutionis temporibus,  
ad nostrum usque Ævum, Ininterrupta  
serie continuatus  
Ut Argumentum Invictum  
pro  
Veritate Relig. Christianæ  
proponitur a  
JO. JAC. HULDRCICO  
*Profess. Linguae Sanctæ in Schola Tig.*

**I**nter plurimas alias, quibus divina Christianorum Religio spissum falsarum Agmen immensum quantum antecellit, immo in infima illud Falsitatis ac Profanitatis subsellia deprimit, Veritatisque sibi ac Θεοπεπτείας palmam præripit, Prærogativas, locum meritissimo suo obtinent, Historiæ, cui Christianorum Fides innititur, Veritas; & Dogmatum dein, quæ profitetur, elata Sublimitas. Historiæ præit Veritas. Nemo sanus rerum arbiter inficiari ausit omnem Fidei nostræ certitudinem niti Veritate Historiæ magni illius Hominum (si illos utrosque Homines dicere fas est) Paris, Mosis Veteris & Jesu Christi Novi Testamenti Mediatoris, quorum illum Jesum ἐν τηνῆσαι, hunc Mosen ἐν Αληθείᾳ Jure appellaveris.  
Nemo

Nemo autem sanus iterum rerum æstimator & cui vel aliquid lævæ in parte mammillæ saliat , illorum Historiæ Veritatem negare sustineat , nisi eadem opera solem mera meridie lucere neget . Si enim verum est , Alexandrum M. Persarum Monarchiam debellasse ; Augustum Romæ rerum potitum esse ; Neronem infanda , quorum reus peragitur , facinora patrassè ; Constantimum Imperii sedem Byzantium transtulisse , eamque de suo Nomine Constantinopolim dixisse , quod omne nemo tam opinosus & pertinax est , qui non credat : tum & verum est , Mosen intimæ apud Deum admissionis suisse , Judaicum Jus condidisse ; arcanum quod Nomen ejus præfert Volumen conscripsisse , quicquid Rituum Ceremoniarumque Israëlitis tradidit ab ipso Numine accepisse ; In concessò quoque est , viculo Terræ Judeæ , plaudentibus Angelorum Choris , illucescentibus novis Syderibus , accursitantibus ex terris alio Sole calentibus Magis , Jesum Christum natum suisse , docuisse , miracula patravisse , exactissimæ Sanctitatis exemplar omni sua vita exscripsisse , Cruci suffixum esse , caligante ad triste spectaculum Sole , obtenebrata tota cœli facie , ac horrore maximo concussis & contremiscentibus terræ fundamentis , terræque mandatum tertio a sepultura die , ministrantibus Angelis , stupentibus monumenti custodibus revixisse ; In Cœlum tandem post datam Patri in terris operam candidis corruscæ nubis quadrigis rediisse , ibi se & vivere & regnare , effuso in Apostolos suos ubertim Spiritu , manifestum fecisse . At si verum hoc & confessa res est , tum divina , super hac Veritate , tanquam talo suo , stat Religio . Historiæ Veritatem Dogmatum concomitatus maxi-

ma Sublimitas : Stentorea vox , centum ora & ferrea deberent esse latera singulatim de hoc argumento dicturo. Pelagus enim revera hic est, in quo nil nisi pontus & æther , ubi altum adeo non nimis urgendum, sed littus potius preendum erit. Quam sublimia sunt, Auditores, quæ hæc Religio docet de Deo, quem nobis describit ut Ens absolute perfectissimum, omnipotens, omniscientia mirandum, æternum, immensum, optimum simul & maximum, sibi ipsi ad plenam Beatitudinem & aliis sufficientissimum, gloriosissimum, sanctissimum; dignum quod colamus, quod imitemur, cui nos totos consecremus, in cuius Cognitione, Amore, Fruitione votorum sum-  
mam, Felicitatis apicem collocemus. Quam sublimia sunt, quæ eadem Religio tradit de Dei decretis, operibus, tum Naturæ tum Gratiae, de Mundi hominisque primæva creatione, de peccatorum atrocitate, de malis omnibus ex hac misericordiarum scaturagine obortis, de diversa piorum & impiorum sorte in hac vita, de diversissima eorundem conditione post illam. Hæc certe sublimia sunt, quæ Religio nostra profitetur. Res ipsa id loquitur, iniquissimi cuiusque conscientia suffragatur. At sunt longe sublimiora plurima: Quam sublime est præ aliis Mysterium Patris & Filii, in quo omnes thesauri Sapientiæ & Cognitionis absconditi latent; hoc certe continet Veritates ipso Cœlo sublimiores, quas oculus non vidit, auris non audivit, & quæ in mentem hominis non ascenderunt, τὰ βαθὺ τὰ Θεοῖς ἐνδοξοτάτα. ad quæ acies omnis hebescit, quæ ipsi angelici spiritus sacro silentio mirantur, ad quæ stupent & attoniti stant. Quam elatum adorandum Trinitatis

in Unitate & Unitatis in Trinitate Arcanum, & admirabile ac æternum Pacis Consilium. Quam stupenda divini, Dei Ter Maximi Filii ἐνσάρκωσις. Illa certe omnia sunt, quæ, ὁ Ιησος, ο Θεος, μήτηρ, πλατος sublimitatis habent, tremenda Angelis, stupenda Cœlitibus, adoranda Terrigenis. Quam sublime Mysterium Crucis, & ad misellorum mortaliū salutem inter stabulum & præsepe nati dulcis Pueruli, in ferali ligno inter dolores & cruciatus rursum denati, æterni Patris, qui Filio suo, ut lapsos Homines, miserandas orci victimas servaret, haud pepercit, inæstimabile donum. Obtestor nunc omnem conscientiam, annon Religio, talibus veritatis Fulcris firmata, talibus sublimibus Mysteriis & Dogmatibus, ut totidem Divinitatis radiis fulgens, cæteras omnes infinitis Intervallis post se relinquat, & tantum ab ipsis revera distet, quantum cœlum distat a terra? annon eo ipso digna sit, quam alte semper veneremur, quam suspiciamus ut Divam nostram, cui litemus unice, cui tuendæ, stabiendæ, promovendæ, omnes nostras actiones, dicta, cogitata dicemus & dedicemus, a cuius indefesso cultu & ornatu nos tandem adeo non abripi patiamur, quo potius omni studio, cura & cogitatione omni in id continuo incumbamus, ut eam quavis ratione & omnis generis Argumentis ac institutis sartam & tectam, quoad in nobis est, conservemus? Nullus confido, Insaniæ œstro adeo erit percitus, ut contrarium tueri vel solum cogitet Ego sane de debito hoc divinæ nostræ Religioni æstimo, & ex eo promanante ejus promovendæ studio vivide adeo sum persuasus, ut hac præclara mihi apud vos perorandi concessa occasione, officii mei esse ra-

tus fuerim, experiri vires meas, & tentare, annon & ego ad illam ornandam & illustrandam conferre aliquantulum valeam. Cum itaque Autoritate venerandi sacerorum Antistitis, quæ si reliquis omnibus, quos receptus antiquitus Mos hujuscemodi solennibus Feriis in hanc Cathedram propellit, sacra esse debet, mihi id multo magis innumeris nominibus sit oportet, Oratoris personam hac profesta Die agere sui jussus, statim quidem decrevi Thema aliquod sacrum, qualia Orationibus, sacris his Feriis dicentibus, in quantum ego quidem conjicere valeo, convenire judico, eligere; de quo vero potissimum dicerem, in dubio diu satis, ut fieri afolet, haesí: Ita animi in pectore incerti certabant decem, donec ob oculos venisset Venerandi, Celebrissimi & Eruditissimi ZIMMERMANNI nostri Dissertatio pia, erudita ac solida, salutaria quædam ad Verum sacræ Cœnæ Usum, Monita complectens; Dissertatio inquam pia, erudita ac solida, ex sinceræ mentis pio conatu conscripta, in qua Clariss. Autor πολλῶν αὐτάξιος ἀλλῶν, (cujus scripta pleraque nescio quo fato Iuvidiæ spiculis continuo sunt expposita) in qua mirari videtur, cur hactenus nemini Argumentum pro Veritate sanctissimæ Religionis desumere in mentem venerit, ex sacri Mysterii Crucis Μνημοσύνες, Cœnæ puto sacræ Usu historico, a primis ejus Institutionis tempotibus ad nostram usque ætatem non interrupta serie continuato. Illoco ergo apud animum constitui de novo hoc Religionis Christianæ Veritatem insigniter probante Argumento quædam in Feste, quo divini Sacrae Eucharistiæ Institutoris nativitatem æque ac mortem religiosis nostris

Actibus

Actibus celebramus , differere. Ausurus quidem sum , lubens agnosco , facinus majoris abollæ. Argumentum est utique eximum & disertiori Ore , exercitatiore Ingenio , quo me misere destitui ingenue fateor , dignum. Mihi tamen illud sumsi , & ut ut meus etiamnum vix audeat rem tentare Pudor , ut ut pertimeam , ut & facundia deserat me & lucidus ordo , sumsi nihilominus , prout angusta , quæ mihi domi est res & curta suppellex tulerit , id pertractaturus i. e. ut *Plantus* fere hunc huic Phrasí sensum dat , frigide satis tractaturus. Non id vobis alienum sit , Auditores : Mola salsa litant , qui thura non habent , & ut quimus , quando ut volumus non licet , infra rem dicit , qui non potest supra. Juvate me modo in Illustri vestro Confessu balbutientem , & dimidiata vix verba tentantem vestra æquanimitate , & si vires ad Argumentum illustre digne elaborandum mihi defuisse , vobis , ut Jure vereor , judicandum sit , laudate solum voluntatem & donate hanc injuriam ejus Sinceritati , quam mihi adesse promittere audeo.

Postquam nunc satis ampliter exorsi sumus , res ipsa erit aggrediunda. Si ex continuo S. Cœnæ Usu Veritatem Religionis , cuius ipsa Sacramentum est , probare satagimus , ante omnia nobis probare incumbit , hunc Religionis actum sacrum revera a Christo denato , per omnem seculorum decursum , ad nostrum usque ævum non interrupta serie obtinuisse ; Age itaque illud ostendamus. Ne autem vos tædeat , Auditores ! me , per omnia secula citato satis Pede iturum , attentione vestra sequi.

Sacra Cœna , ut a prima ejus ordiamur Institu-  
tione , est illud spirituale & divinum Epulum , quod  
a Christo Orbis Salvatore , in perpetuae acerbæ  
mortis & beneficiorum inde defluentium suave &  
dulce , ad secundi adventus sui ultimum diem ,  
duraturum Μυημόσυνον , sequentibus sanctam &  
divinam simplicitatem spirantibus Ceremoniis fuit  
institutum :

Jesus cum XII. suis Discipulis accumbens assum-  
sit externa Panis & Vini symbola , eaque distincta  
actione a naturali ad sacrum Usum , ἐνλογίας &  
ἀναχρισίας præmissis actibus , præparavit , desti-  
navit & sanctificavit , ut essent Sacramentum Cor-  
poris & Sanguinis sui , non Natura , sed divina  
Institutione : Sanctificata eadem fregit & effudit ,  
quo Corporis sui in Cruce Fractionem ac Immo-  
lationem & Sanguinis Effusionem designaret ; fra-  
cta & effusa distribuit Discipulis , quo ita signifi-  
caret se sui Communionem , omniaque ex illa  
plenis alveis profluentia Bona in Cruce paranda  
ipsis , omnibusque post illos fidelibus gratosum  
offerre , eosque ad illa liberalem invitare ; ad eo-  
rundem Distributionem Verba hæc fudit : *Hoc est  
Corpus meum pro vobis traditum ; Hic est Sanguis meus  
pro multis effusus ad Remissionem Peccatorum , comedite  
Panem in mei Memoriam , bibite ex Calice omnes ;*  
Quorum verborum emortualium brevem hunc  
sensum esse , omnia suadent : Heic Chari ! vobis  
exhibeo indubitata Signa & Sigilla Corporis & San-  
guinis mei , quicunque illa vera & infucata in me  
Fide ex certis & indubitatis Notis , in Verbo meo  
sat superque delineatis , antea intime persuasus se  
meum tanquam Caussa Salutis arcto nexu esse

con-

conjectum , assumerit , pro illius delictis certe Corpus meum in fatali Crucis ligno erit fractum , & Sanguis effusus ; ille partem habebit in Meritis Passionum mearum indubitatem , nec erit , cur de eo incertus titubet , cum ipsi Corporis mei , quod quo minus Natura exhibeam , Impossibilitas cogit , loco , in proprias manus tradam ejus indubium Repræsentamen .

Divinum nunc hoc Institutum ab Apostolis ut Institutum Dominicum fuit acceptum & Ecclesiæ traditum , nec non per primum a Christo denato seculum diligentissime & frequentibus iteratis vici- bus celebratum ; Ad Christi etenim exemplum , qui μετὰ τὸ δεῖπνον instituerat Eucharistiam , Aga- pis frugale Convivium S. Cœnæ fuit præmissum , dein post temporis Intervallum celebratæ eidem additum , usque dum , cum in turpem luxum degenerare inciperet , non tantum e sacris Aedi- bus ad privatorum domos rejiceretur , sed & pla- ne e Fidelium Conventibus , utpote ut nulla pars Cœnæ essentialis , sed ut actus Cœnæ Institutio- nem forte concomitans consideratum , exterminaretur & in ejus locum succederet Mos col- ligendi inter Sacra Eleemosynas , qui adhucdum obtinet . Asserti testem habemus LUCAM , hic enim in Libro , quem de Rebus Apostolorum Ge- stis consignavit Cap. II. refert ; illa tria credenti- um millia , quæ post Christi ascensum sacro Bap- tismatis fonte fuerant tincta , perseverasse in Com- munione & Fractione Panis , quam nonnulli Pa- trum & Recentiores plerique de Eucharistiæ cele- bratione intelligendam esse sentiunt , suisque Ar- gumentis abunde probant . Et seculo hoc iam me-

diam partem elapso Paulus Corinthios quidem ad Dominicam Cœnam celebrandam convenisse dicit in unum, sed suæ Alæcias vitio, rem sanctam ita totam corrupisse, ut nilminus egisse viderentur, quam id, cuius caussa in Ecclesia convenerant. Seculo adeo primo S. Cœnæ Usum continue viguisse in confessu est; etiamsi enim mature fuerit polluta, nunquam tamen prorsus est delecta, abusibus apostolica Censura statim rursum correctis.

Seculo, quod Apostolicum excipit secundo, Cultui divino in genere multum Ceremoniarum citra necessitatem fuit additum, quod boni gravesque Viri haud absque indignatione pertulerunt; etiamsi id certe non malo consilio, sed sufficientis Prudentiæ defectu fuerit factum, juxta cæteras enim rationes, quibus, ut Rituum sacrorum numerum augerent, fuerunt inducti, & hæc erat, quod ita se eo facilius calumniam atrocem, qua Atheorum nomine infamabantur Christiani, depellere posse sperabant. Etenim, in Libello nostro, in quo ex professo hac de materia egimus, observavimus, præcipuam Criminationis hujus occasionem fuisse, quod Templa, Simulacra, Aras, Victimæ haberent nullas, reliquaque hominum, sensibus externis duci se ut plurimum patientium, oculos ferenti Pompa, in Cultu suo religioso prorsus essent destituti. Omnia itaque conquirentes primævi Ecclesiæ Doctores, quæ ad hanc Calumniam destruendam facere possent, Ritus etiam externos & Ceremonias arripuerunt, quibus sensus caperentur eorum, qui, quod Christiani his omnibus carerent, eos ob hoc ipsum Atheos esse

esse vociferarentur. Hinc & S. Cœnæ simplicissimos, & ab omni externa specie longe remotos hactenus Ritus auxerunt: Partes Panis & Vini consecrati miserunt ad absentes, ægrotos & carceribus inclusos, ut & pœnitentes in extremo mortis positos periculo, Dilectionis & Unitatis fidei testandæ ergo; ut probant Henr. RIXNERUS de Ritu Veterum circa Eucharistiam, & diligens ille ac incomparabilis Antiquitatum Christianarum scrutator BINGHAMUS in Originibus Ecclesiasticis: Magnam insuper, nondum tamen absolutam, & huic Ritui ad salutem impetrandam adscripserunt necessitatem: Mos item obtinere cœpit Vinum non purum sed aqua mixtum adhibere, addita explicatione, Vino intelligi Sanguinem Christi, & Aqua populum, & sic populum Christo adunari, ut misceatur vinum aqua. Probaat hæc omnia frequentia Patrum hujus Seculi loca, quorum unum & alterum, ne in cassum videamus locuti, afferre juvabit. IGNATIUS, in Epistola ad Philadelpheos, quæ in genuinis numeratur, scribit: *Una est Caro Domini nostri Jesu Christi, & unus Sanguis, qui pro nobis effusus est, unus item Panis omnibus fractus, & unus Calix omnibus distributus.* JUSTINUS MARTYR, cuius diversa Loca obvia sunt, in *Apologia secunda*, universum Eucharistiæ ritum describit, & ad minutias usque persequitur, ac juxta cætera ait: *Postquam gratiarum Actionem Præsidens absolvit, & Populus acclamavit Amen, Diaconi distribuunt unicuique præsentium, ut participet eum, in quo gratiae actæ sunt, Panem, Vinum & Aquam, & ad absentes perforunt; atque hoc alimentum vocatur Eucharistia.* Et in *Dialogo cum Tryphone* habet: *Panem noster nobis Christus tradidit faciendum in Recordationem, quod*

ipse Corpus factus sit, eorum Caussa, qui in ipsum credunt, & poculum, in Recordationem Sanguinis sui tradidit faciendum gratias agentibus. IRENÆUS, L. IV. de Pane in S. Cœna ait: Qui e Terra Panis est percipiens Vocationem Dei, jam non communis Panis est, sed Eucharistia ex duabus rebus constans, terrena & cœlesti. Et L. V. Temperamentum Calicis & *ποτήριον* memorat. CLEMENS ALEXANDRINUS in L. I. & II. Pædagogi sui, spiritualis Cibi & Potus, quibus nos Christus in Eucharistiæ convivio excipiat mentionem injicit. TERTULLIANUS tandem, multis nominibus exeunte hoc Seculo celeber. haud uno Loco de S. Cœna loquitur. In C. III. de Corona Militis: Eucharistiæ Sacramentum, ait, & in tempore victus, ut omnibus mandatum a Domino, etiam antelucanis cœtibus, nec de aliorum manu, quam Præsidentium sumimus. L. IV. adversus Marcionem Institutionis rationem describit, de pane ajens: Dominus acceptum panem & distributum suis Discipulis, Corpus suum illum fecit; Hoc est Corpus meum, dicendo, id est, figura corporis mei. & c. XVII. Libri de Anima, de Vino: Jesum consecrasse Vinum in memoriam Sanguinis sui. In Apologetico diversis tandem capitibus ita loquitur, ut Cœnæ S. usum sua ætate frequentem obtinuisse apertum fiat & manifestum.

Seculo, quod sequitur III. auctis jam plus æquo S. Cœnæ ritibus, novæ rursum additæ fuerunt accessiones: Major apparatus & longiores preces ad ejus celebrationem adhiberi cœptum est; Pœnitentes & Catechumeni illa excludebantur; recepta est communiter sententia ad salutem obtinendam Eucharistiæ participationem summe esse necessa-

necessariam , unde & defluxit , quod infantibus quoque eam porrigi vellent , vixeritque hoc seculo Scriptor , CYPRIANUM puto , qui illud omitti nequaquam posse argumentis contenderet , maximum pro sua opinione petens præsidium ex *Job.*

VI. 53. Ex illo superiore seculo jam recepto more mittendi S. Coenam ad ægrotos & captivos , orta quoque est privata ejus consecratio in ædibus ægrotantium & carceribus martyrum & confessorum ; consuetudo itidem consecratorum elemotorum aliquam partem asservandi vel in Ecclesia , vel in privatis ministrorum ædibus , quo necessitatis casu inopinato superveniente in parato eam haberent ; ita mos quoque concedendi religiosioribus deferre alias Eucharistiæ particulas secum domum , quo quotidie , durante præprimis persequutionum vi , illis participare possent ; hanc enim S. Eucharistiam secum domum auferendi assuetudinem non apostolicam , sed hoc demum seculo ortam fuisse indubitatum est , uti & Argumentis sufficientibus probatum id adversus BARONIUM dedit *Samuel BASNAGIUS* in *Anal. Eccles. Disputatur* denique ad hoc seculum inter eruditos , an eo decurrente pane azymo , an vero fermentato usi fuerint , & plures utrumque promiscue adhibitum probabile putant , inter quos illustris MOSHEMIUS , qui hoc ex consuetudine ab Apostolis ipsis introducta facillime potuisse fieri putat , adeo ut viventibus adhuc Apostolis , qui ritus sacros non ad essentiam Religionis a se traditæ pertinere duxerint , receptum fuerit , ut heic panis azymus , illic fermento conditus usurparetur , cum quibus & consentiunt ea , quæ magnus BULLINGERUS noster *Sermone 9. Decadis 5.* pronuntiat.

Sed argumenta ab acuto antiquitatum ecclesiastica-  
rum Scrutatore BINGHAMO L. suo XV. C. II.  
adducta, mihi saltem adeo stringere videntur, ut  
contra horum virorum sententiam cum eo existi-  
mem, extra omnem dubitationis aleam positum  
esse, pane fermentato solo usos suis primos Chri-  
stianos per mille annorum decursum ad seculum  
XI. & XII. usque, quibus demum azymorum  
usus invaluerit, quod & suo calculo probat cele-  
berr. BASNAGIUS in *Historia Ecclesiæ*. Si & hujus  
nunc ævi scriptorum requireret quis testimonia,  
illa possent produci, præter CYPRIANUM enim  
jam indicatum, qui haud uno in loco de S Cœna  
loquitur, & juxta reliqua in *Epistola 63. Aquarios*  
i. e. illos, qui timidi nimis aqua sola communi-  
cabant, ne nimirum Vini odor post communio-  
nem remanens, ipsos christianos esse, judici de-  
ferendos, proderet, reprehendens, ut simplici-  
tate & ignorantia peccantes, ipsis objicit: *Aquam*  
*haud sufficere ad repræsentandum Corpus Christi,* &  
*si Vinum in Calice defit, etiam Repræsentationem San-*  
*guinis Jesu deesse.* Ac in *Libro de Lapsis*, eos acri-  
ter carpens, qui communionem citius nimis, quam  
par erat, rursum petere auderent, ait: *Sacrilegi!*  
*Murmuratis & ira accendimini adversus Patres vestros,*  
*ideo quod manus vestræ pollutæ nondum receperunt cor-*  
*pus Domini.* Præter hunc Cyprianum, inquam, ha-  
bemus ORIGENEM, qui in *Homilia sua 15.* ad-  
versus eos disputat, qui existiment, panem Do-  
mini, quo nomine Eucharistia notetur, sanctifica-  
re omnes, qui eum comedant, & in 16. ait:  
*Christianis omnibus solemne esse de dominico Calice bi-*  
*bere;* habemus DIONYSIUM ALEXANDRINUM,  
insignem, ut HIERONYMO vocatur Auditorem

ORI-

ORIGENIS, qui in *Epistola ad Basiliadem* de non admittendis ad communionem menstruatis disputat; habemus & ARNOBIUM, qui in *Ps. XXII. Expositione, Ecclesiam in se habere*, ait, *Mensam, unde det panem credenti, per quam nonnisi intelligit mensam, ad quam celebrabant Eucharistiæ sacrum ritum;* & alibi: *Eandem habere calicem ex quo ingurgitet illos, qui verbum prædicent; tandem in Ecclesia recipi perhibet panem, qui cor fortificet, & vinum quod illud exhilaret.*

Seculum IV. observantibus omnibus Historiæ Sacræ scriptoribus jam superstitionibus ex Ethnismo oriundis fuit conspurcatum, & vera Religionis indoles obscurata ac oppressa: Hinc per canones synodales tot, ut quoad ritus reliquos omnes, ita & circa illos S. Cœnæ, per legem intruduntur minutiae, ut sine tædio legi sæpius nequeant. Invaluit usus vasorum aureorum & argenteorum, quod poterit colligi ex illis PRUDENTII, quibus præfectum Urbis regiæ, Laurentium Martyrem alloquutum perhibet in Hymno περὶ σφάνων II.

*Hunc esse vestris Orgiis:*

*Moremque & artem proditum est:*

*Hanc disciplinam federis:*

*Libent ut auro Antistites;*

*Argenteis scyphis ferunt,*

*Fumare sacrum sanguinem;*

*Auroque nocturnis sacris*

*Adstare fixos Cereos.*

Administrari dein cœpta est S. Cœna ad sepulchra martyrum, ut & cum funera deducerentur, quo ex abusu postmodum missæ in honorem sanctorum & pro mortuis natæ sunt; etiamsi tum temporis

poris nondum fuerant in ea opinione, ac si S. Cœna esset sacrificium expiatorium pro mortuis, sed illam solum in funerum solemnibus celebrarent, ut ad ardentiores Preces, qui iis intererant, se invicem incenderent, quibus & uberiorem divini solaminis vim impetrarent lugentes, & alii levamen afflictionis, qua forte premerentur, obtinerent, ut evincit BUDDEUS in *Diss. sua de Origine Missæ*. Sacris Oratoribus porro liberum amplius non fuit de Sacris his aperte & simpliciter pro concione dicere, quod etiam sensim sensimque *Disciplinam* introduxit *Arcani*, quæ in Ecclesia Latina ad seculum VII. usque duravit, & in Græca hodienum ex parte adhuc viget. Inducti denique hoc seculo sunt varii Communionis gradus, unde subnata nomina Communionis laicæ, clericali oppositæ, & Communionis peregrinæ clericorum delinquentium. Facilis nunc rursum nobis esset opera, integra denuo testium caterva hæc omnia firmare, sed adducemus modo ex millibus unum & alterum, unde generalis Cœsæ usus patescat: EUSEBIUS in *Præpar. Evangelica* L. V. C. 3. ait: *Quemadmodum Melchisedec nonnisi Panem & Vinum Abrahamo obtulit, ita Jesus Christus, & qui illum sunt sequuti, cultum spiritualem celebrantes inter omnes Orbis Nationes Mysterium Corporis & Sanguinis Jesu Christi repræsentant Pane & Vino.* & L. I. C. 10. *Ecclesiam, inquit, celebrare Memoriam Sacrificii Christi in Sacra Mensa Signis Corporis & Sanguinis ejus.* CYRILLUS HIEROSOLYMIT. in *Catecheticis Myst.* 4. Postquam Catechumenis repræsentavit, illos non dubitare debere, quin recipient Corpus Jesu Christi, dum ille, qui in nuptiis Caanæ Aquam permutat in Vinum, mutare idem debeat panem in corpus

corpus suum ; simul quoque illis explicat , qua ratione id fiat , addito Monito : *Fiducia has res accipiamus ut Corpus & Sanguinem Jesu Christi , cum Corpus sit sub Typo Panis & Sanguinis sub Typo seu figura Vini. & Myst. s. Neophitam suum docet , quo digne modo sacram Mensam accedere & Corpus Christi recipere debeat.* BASILIUS in *Epistola ad Cæsariam* afferit : *Singulis diebus communicare & participare Sacri Corporis & Sanguinis bonum est & fructuosum.* & *Epistola 289.* Ritum recipiendi panis describens ait : *Ministrum Portionem Eucharistiae in manum Communicantis tradere , qui eam dein fortiter admodum teneat , ac ori admoveat ; parum interim interesse , an Communionis participans e manu Ministri recipiat unicam solum , aut plures Panis fracti particulas.* GREGORIUS NAZIANZENUS Basili Amicus horatur in *Oratione de Paschate* ; *sine pudore & dubitatione Corpus ede & Sanguinem bibe , si modo vita desiderio teneris ; Et alibi : Illum , qui Sacramentum Cœnæ despiciat , reum corporis & sanguinis Christi pronuntiat.* *Oratione item XI.* refert miraculum , quod acciderit sorori suæ , utpote quæ ægrotans fuerit sanata , ardore precum suatum , & mediante Eucharistia , cum irrigarit lachrymis scutula quædam preciosorum antityporum corporis Christi , quæ manibus tenuerit inclusa ; & tandem *Oratione XIX.* in Vita Patris sui , ut memorabile quid refert ; *Illum ægrotum , se in Ecclesiam duci , imo ferme trahi jussisse , ibique brevibus verbis consecratione facta , dum longiores preces adhibere debiles corporis vires haud permiserint , sacram Eucharistiam participasse , statimque in melius fuisse mutatum paululumque convaluisse.* HIERONYMI dictum est : *Dominica Cœna omnibus debet esse*

com-

communis, quia Christus omnibus Discipulis, qui aderant, aequaliter tradidit Sacra menta; Idem quoque in Tractatione Cap. XI. I. Ep. ad Corinth. Eucharistiam comparat amicitiae pignori, quod nobis, in regiones alio sole calentes abiturus relinquat eo fine, ut, quotiescumque aspiciamus pignus illud, memoriam rursus recolamus amicitiae & beneficiorum absentis amici; ideoque etiam, nos memoriali hoc opus habere afferit, per omne illud tempus, quod sit effluxurum ad illud momentum, quo ipse (Jesus nempe) sit denuo venturus.

CHRYSOSTOMUS tandem in *Homiliis suis innumeris* ferme Locis de S. Epulo & decenti illius usu pro consueta sibi facundia perquam eleganter differit, juxta cetera crebrioris Communionis neglectum in *Homilia III.* acriter his reprehendens:

*Ingentem & pene inauditam hanc populi multitudinem, quæ modo adfluxit, tantaque cum attentione Sermonem audit meum, sæpen numero tempore illo perhorrendo requisiui, & tamen nunquam videre potui, atque ita me vehemens capit suspirium, quod cum ego dispiuto, vester conservus, studium adhibetis & ingenium, alter alterum jactat, ut ipse proprius adsit; quum autem ipse Christus communis Magister semet in sacris mysteriis ostensurus est, vacua desertaque Ecclesia redditur. Prob fidem hominum Christianorum, quo pacto isthac veniam consequantur? facit profecto vestra ita sive desidia sive negligentia ut laudem studii illius auscultandi omnem amittatis.*

& L. III. de Sacram. Homil. 21. Peccatores interrogans, qua fronte coram tribunali Christi se sistere ausuri sint, cum receperint corpus ejus manibus pollutis & labiis impuris: *An audetis, verba ejus habent, appropinquare sacrificio illotis manibus?* Cogitate probe, quid in manum

num vestram receperitis, ne quæso eo procedatis auctoritate, ut pugno vestro cedatis quemquam, neque crimine dishonestatis manum, quam Deus honoravit præclaro & pulchro adeo Dono.

Seculum V. quod attinet, in illo Eucharistiæ celebrationem quidem viguisse certum est, sed maculis, quibus ejus primæva facies jam fuerat conspurcata additæ adhuc maculæ. Necessitas S. Cœnæ hucusque summa judicata, absoluta decreta est. AUGUSTINUS, qui circa hanc materiam multus est, saepenumero de ea loquitur, ut de re plane confessa. CYRILLUS ALEXANDRINUS hac de re in *Comment. in Jobannem* ait: *Illi, qui non receperunt filium per Sacram Eulogiam* (per quam sine dubio nihil aliud intelligit, quam panem & calicem benedictionis) *privati sunt vita, quæ in sanctificatione & felicitate consistit.* & Isidorus PELUSIOTA L. 11. Epist. 52. asserit: *Divina Mysteria participari, absque quibus obtineri nequeant remunerations Cœli.* Hinc non solum data, ut hactenus, infantibus, sed & insuper moribundis omnibus ut τελευτῶν ἑφόδιον, ultimum viaticum, cum antea saltem illis porrigeretur, qui expresse id petiissent, aut qui in medio pœnitentiæ cursu morbo gravi opprimerentur, nemori pacis & spei expertes necessum haberent. Quid quod porrecta & in os ingesta mortuis ipsis, si mors pœnitentes aut alios ex improviso oppressisset. Ortum etiam nacta est hoc seculo appellatio illa Eucharistiæ, hodienum apud Romanenses frequens, qua *Missa* audit a dimissione cœtus Sacri, vel partis ejus, nempe Catechumenorum, unde *missa catechumenorum*, vel dein totius, post peractum cultum integrum, in cuius fine inclamabatur a diacono; *Ite, missa est.* Præter jam pro-

productos & alii hujus seculi scriptores prostant, qui frequenter in suis scriptis de S. Cœna loquuntur. THEODORETUS in suis *dialogis adversus Eutychianos*, Eucharistia ad defendendum suum errorem abutentes, disputans, illis rationem, qua symbola S. Cœnæ imago veri Corporis Christi sint, explicat, & juxta cœtera ait: *Jesum symbola honoraſſe nomine corporis ſui, non mutando naturam, ſed adjungendo naturæ gratiam*: Cum quibus consentiunt, ea, quæ Gelasius Papa extremi hujus seculi, habet, ajens: *Subſtantia seu natura Sacramento in eſſe haud ceſſat, & id, quod celebraamus eſt imago aut ſimilitudo Corporis Christi.*

Século VI. in loco de Eucharistia varie loquuntur Patres, tum quoad ejus Sacrificium, tum quoad Præsentiam Christi in eo realem, plurimis mysticam magis & spiritualem, quam corporalem manducationem & præsentiam intendentibus, quod vel ex trigæ scriptorum seculi hujus locis, quæ exempli gratia e multis attulisse ſufficiet, patere poterit. FULGENTIUS Episcopus Rupensis in cuius scriptis haud uno in loco de S. Eucharistia agitur, ubique sacrificium Panis & Vini vocat *commemorationem carnis Christi, quam obtulit, & Sanguinis, quem effudit pro nobis*. PRIMASIUS in I. Cor. XI. ait: *Jesum dando nobis Sacramentum, reliquiffe eo ipso ultimum memoriale eo fine, ut quoties edamus de pane hoc & bibamus de calice hoc, in animum revocemus, Christum eſſe pro nobis omnibus mortuum, hinc & appellari Corpus Christi, ut si ejus recolamus memoriam, haud simus ingrati, ut si quis moriens nobis reliquifſet pignus, haud poſſemus id conſiderantes nobis temperare a lachrymis, ſi eum enixe amaffemus.* HESYCHIUS

US tandem Pastor , aut ut alii volunt Episcopus Hierosolymitanus in Levit. L. I. ait : Si Jesus haud fuisset crucifixus non vesceremur sacrificio corporis ejus ; ast nunc hoc nutrimento vescimur , dum recipimus memoriale passionum ejus. Cæterum a GREGORIO MAGNO ejus ætatis lumine maximo Canon missæ , quem vocant , seu nova S. Cœnam magnifico splendidoque apparatu administrandi ratio præscripta & injuncta est. Concilium Autiſodorensē in Gallia decrevit , ut fœminæ sacra Symbola amplius nuda manu haud reciperent , sed tecta ac obvoluta linneolo albo. Permissum adhuc quidem hoc seculo in oriente & occidente fuit asservare S. Cœnam in casu necessitatis , eamque secum asportare domum ; ast tamen in oriente quoque obtinuit mos , Reliquias S. Cœnæ igne concremandi : nolebant nempe panem sacris usibus semel destinatum , in usum profanum & promiscuum rursum redire ; & in Ecclesia Constantinopolitana , ut ex EVAGRII Historia Eccles. patet , usitatum fuit , ut pueri impuberes Eucharistiæ celebratæ reliquias manducarent , quem morem & in occidente alicubi in usu fuisse docet Canon Matisconensis Synodi secundæ VI.

Seculo VII. superstitiones circa S. Cœnæ celebratiōnem rursus novæ fuerunt inventæ. Vini loco in Gallia distribuebant lac , in Hispania utebantur uvarum botris , quos distribuebant singulis Communicantibus. Panem miscebant vino , aut minimum saltē tingebant illum in vino & ita tiāctum distribuebant populo. Mortuis S. Cœna frequentius quam hactenus in os fuit ingesta , cumque iis sepulta : reservari apud occidentales cœpta in quodam Ecclesiæ angulo , sine dubio , ut parata esset pro ægrotantibus. Lingua latina cele-

brari inchoata etiam in recens plantatis Ecclesiis, ubi nondum nota, sed adhuc peregrina erat, & sacerdotes splendidiore ornatu, vestibus fulgentioribus induiti fuere. Latinorum enim novi pontifices semper novis ceremoniis veteres auxere: *quasi neminem*, ut scite Illust. MOSHEMIUS, *digne rem Christianam administrare posse duxerint, nisi qui populum inusitatis spectaculis & mimis oblectaret.* Græcorum vero Antistites hoc seculo instituerunt per festos Dies sacræ Quadragesimæ celebrationem Missæ præsanctificatorum, qua servabatur panis consecratus die præcedente in dies sequentes Communionis, quibus Altari denuo imponere, sine nova consecratione, atque injicere illum vino moris erat, quo vinum acquireret sanctificationem attractu panis jam consecrati antea & ita præsanctificati (unde & nomen Missa recepit). Dein etiam Eucharistiæ elevationem introducere sunt exorsi, sed non eo fine, ut adoraretur ab adstante populo, verum eo fine solum, ut hoc ritu elevationem Jesu in Crucem, Mortem item ejus ac Resurrectionem designarent, ut GERMANUS Constantiopolis Patriarcha explicat. Interim hujus seculi scriptores mysterium S. Cœnæ explicabant ut illi præcedentis ævi; ISIDORUS HISPALENSIS de *Offic. Eccles.* agens L. I. C. XVIII. claro & distincto modo naturam Sacramenti delineat; *Panis*, ait, *quem frangimus est Corpus Christi, qui dixit, Panis ego vita sum, & vinum est sanguis ejus, scriptum enim est, vitis vera sum.* MAXIMUS vero Abbas Constantinopolitanus in Scholiis in *Dionys. Areop.* expresse ait: *Panem Sacrum & calicem benedictionis esse Signa symbolorum sensibilium, imaginem rerum, quæ sint in cœlo, & quæ majorem habeant veritatem, symbolum*

bolum & non veritatem ipsam. Res V. T. fuisse umbram, illas N. T. esse imaginem; nos veritatem vero demum possessuros in seculo venturo.

Seculo VIII. Cœnæ utique etiam invenimus vestigia, sed a prima ejus institutione prorsus aliena. Missarum hinc Solitariarum, & pro defunctis initia cernere datur, licet nondum ab omnibus fuerint probatæ; sub seculi enim hujus finem & sequentis initium quæstiones agitatæ sunt; an fas sit Sacerdotem solum divina officia celebrare nullis praesentibus, quibus dicat, *Pax vobiscum, Dominus vobiscum, nullis, qui respondeant, Dominus tecum?* Et Concilium Moguntiacum ac Parisiense ideo decreverunt, has solitarias Missas inhibendas esse, ut pote autoritati apostolicæ refragantes & tanto Mysterio indignas. Cæterum & horum & proxime antecedentium temporum eruditi Eucharistiæ Sacramentum simile judicarunt Sacramento Baptismi, cum in utroque viderint creaturam visibilem, conferentem gratiam invisibilem; Aquam in Baptismo, Panem & Vinum in S. Cœna, ostendentes, figurantes & significantes Corpus & Sanguinem Jesu: & cum inter se de levissimis minutis continuo acerbe disputarent, in mediis his dissidiis tamen in hoc ipsis conveniebat, Sacramentum Cœnæ esse Figuram Corporis Christi. Venerabilis BEZA Latinæ Ecclesiæ hoc seculo oraculum juxta cœtera innumera, quæ huc tendunt, *Christum*, ait, *Agnum Paschalem destruentem, in ejus locum substituisse Corpus & Sanguinem suum, in figura Panis & Vini;* & alibi, *manducationem, quæ fiat in Eucharistia, pure spiritualem & sacramentalem esse, sub Pane enim & Vino propositis modo visibili subintelligi rem invisibilem, verum Corpus & Sanguinem Jesu, quæ*

sint vera caro & verus potus, non ad implendum ventrem, sed ad pinguem faciendum spiritum. Quid ALCUINUS Praeceptor CAROLI M. honor seculi sui, heic senserit, vel patere poterit ex sola ejus explanatione loci Johannei C. VI. 56. *Hoc, ait, est edere hanc carnem & bibere hunc potum, manere in Christo, & Iesum habere manentem in se, & ita, qui non manet in Christo, & in quo Christus non manet, haud edit, sine dubio, carnem ejus spiritualiter, etiamsi corporaliter & visibiliter (dentibus) comprimat Sacramentum Corporis & Sanguinis Jesu, sed potius edit & babit ad sui condemnationem Sacramentum rei adeo magnæ, quia impurus presumisit appropinquare Sacramentis Jesu, quæ digne nemo recipit, nisi qui purus est.* CAROLUS M. ipse ad præceptorem ALCUINUM scribens ait; *Iesum cœnantem cum discipulis, fregisse panem, & ipsis distribuisse calicem in figuram Corporis & Sanguinis sui, dantem ipsis magnum Sacramentum nostro bono.*

Seculo IX. doctrina dogmatica de Eucharistia hactenus satis pura etiam per triginta adhuc seculi hujus priores annos, (quod THEODULPHI Episcopi Aurel. AGOBARDI Episcopi Lugdunensis, & AMALARII dictis facile esset probatu) conservata, fatalem revolutionem est experta. PASCHASIUS enim RADBERTUS composuit Libellum de Corpore & Sanguine Christi, in quo primus Transubstantiationem defendit, & in systema redegit, licet sub paulo alia Idea, quam creditur nostro ævo, non enim via Transubstantiationis, sed creationis potentialis, Vinum & Panem in Corpus & Sanguinem Christi permutari afferuit. Ad firmandam suam sententiam produxit varia ex Patribus

bus dicta , sed versuta falsatione & suppressis locis operum , ex quibus illa desumisset , ne fraus illico patesceret . Sectatores hujus opinionis quidem habuit , aet numero paucos , e quibus quatuor modo sunt , quos producere est operae pretium ; HINCMARUS nempe *Episcopus* , JOANNES *Daconus Historicus* GREGORII MAGNI , REMIGIUS *Monachus* , & PAULUS *Daconus* . Multo plures contra ipsum , statim ac manuscriptum ejus pluribus notum esse inciperet , oppugnatum iverunt , alii aperte se contra *Paschasium* scribere professi , alii dogma saltem de præsentia reali Corporis Christi oppugnantes , tecto Dogmatis Autore , inter quos præcipui fuere nobiles hujus seculi scriptores RABANUS MAURUS , RATRAMNUS , Job. ERIGENA *Scotus* , FLORUS , WALAFRIDUS STRABO , Anonymi alii , Episcopi , Archiepiscopi , imo integræ Ecclesiæ , ut LUGDUNENSIS . Aet cum Disceptatores hi Præsentiam Christi in S. Cœna , quam hactenus Christiani simpliciter , ratione qua id fiat indeterminata , crediderant , determinare semel essent ausi , nefaria quorundam curiositas frœna laxavit , & varias discrepantes hac de re opiniones protrusit , quæ ex parte fuitiles & ineptæ adeo fuere , ut Sacrum Mysterium illis misserandum in modum potius deformatum , quam honestatum fuerit , præprimis cum simul etiam inciperent illo varia adhuc ratione abuti . Eo nempe participarunt ad se liberandum a criminis imputati suspicione . THEODORUS *Papa Damnationem Pyrrhi* signavit non solo atramento , sed Vino Eucharistiae atramento intermixto . Episcopi quoque illi , qui damnarunt PHOTIUM sententiam suam obsignarunt calamo tincto sanguine conse-

erato; ac CAROLUS CALVUS cum Comite BERNHARDO se rursus reconcilians, quo melius ipsi imponere posset, tractatus subsignavit Eucharistiae Vino. Invenerunt etiam varia falsi nominis miracula ad probandam realem Corporis & Sanguinis Jesu Præsentiam. PASCHASIUS modo productus, primus fuit, qui hac methodo sententiam suam tueri cœpit, illum sunt sequuti innumeri in fæce hac & sentina seculorum viventes Ductores & Doctores Ecclesiæ cæci ac spurii.

Seculo X. Licet Transubstantiationis vesanum dogma majores vires sumserit, tamen controversiæ in præcedente Seculo agitatæ quieverunt, cum utraque dissentientium pars liberum relinquere alteri, utrum sententiam receptam mutare, utrum retinere mallet. Multi reperiebantur, qui Corpus & Sanguinem Christi naturaliter & revera in S. Cœna adesse statuebant, æque multi, qui nihil certi & definiti heic decernerent, & non pauciores, qui corpus Servatoris plane abesse, & non nisi quodam motu accipi judicarent, minime tamen sese invicem ideo hærefeos aut falsarum opinionum accusauunt. Exemplo esse poterit Anonymus ille, quem citavit Jesuita P. CELLOTIUS; postquam enim discrepantes de S. Cœna opiniones enarrasset, illos qui eas fovissent neque ut Hæreticos aut Innovatores accusat, neque adversus eos vel leviter debacchatur, sed placidus solum addit: *Quod me attinet, altius affurgere haud allaborans, simpliciter contentus sum credere, Corpus Jesu Christi vere in Eucharistia adesse.* Nec hoc tamen, ut putem, prudentiæ, virtuti & moderationi hujus Seculi, sed defectui potius rationis & doctrinæ, qui effecit, ut discentes

tientes aggredi nec vellent, nec valerent, adscribendum erit. Vitio etiam temporum, Episcoporum incuria, Sacrificulorum avaritia, invalescente superstitione & errore de Purgatorio, & liberandis ex eo per iterata missarum solemnia animabus, accidit, ut missarum solitariarum numerus & autoritas cresceret, nancisceturque Defensores Episcopos, Cardinales, Pontifices denique ipsos, ut ostendit pluribus CALIXTUS *de Missis Solitariis.*

Seculo XI. orta est Controversia BERENGARII, qui, cum transubstantiationis contradictorium dogma concoquere nequiret, BERTRAMI & SCOTI ERIGENÆ sanam sententiam defendere perrexit, at hoc facto tot sibi excitavit Inimicos, ut tandem metu supplicii coactus subscripsit Confessioni crassis his terminis consignatae: *Corpus Christi sensualiter Sacramento inesse & in veritate manibus sacerdotum tractari, frangi & fidelium dentibus atteri;* Sed & rursus vi veritatis impulsus retractavit, non semel solum, sed bis, terve, quo & factum est, ut illum BARONIUS vocat *cariosum Hæresiaracham, sœpe falsa pœnitentia eludentem Ecclesiam.* Item, toties lapsum ac nefandissimum Hæresiarcham, qui vix Laica Communione, in exitu vero magna misericordia dignus haberi potuisset: Licet revera hoc BARONII Judicium, ut & omnis, quam passus est BERENGARIUS persequutio, partium studio & livori sint tribuenda; Eum enim Virum fuisse ingenti cætera pietatis & sapientiae fama clarum, constare potest vel ex solo Epitaphio, quod monumento ejus insculptum his inchoatur;

*Quem modo miratur, semper mirabitur Orbis  
Ille Berengarius non moriturus obit.*

Decretum & hoc Seculo sanctis, si Diis placet, Patribus Romæ fuit, ne unaquæque gens Deum sua Vernacula coleret, sed ut Latinus Sermo ad omnem cultum, Sacram quoque adeo Cœnam, licet plebi ignotus, ubivis adhibeat. Temporibus etiam LEONIS IX. Azymorum usus fuit introductus. Tandem & hac ætate Latini imitari cœperunt ritum a Græcis Seculo, ut monuimus, VII. jam receptum circa Elevationem Sacramenti, propter rationes easdem, quas Græcis hic mysticas solas fuisse jam dixeramus, quod patere poterit ex Versibus HILDEBERTI sequentibus.

*Presbyter idcirco cum verba vertitur ad illa,  
In quibus Altari gratia tanta datur,  
Tollit utrumque manu, cum sit communibus Escis  
Altior, & quiddam majus utrumque ferat.*

Et ex illis HUGONIS de S. Victore, qui, Sacrificator ait, in altum tollit Hostiam, eamque denuo deponit, ut elevationem Corporis Jesu in crucem, ejusque sepulturam indicet.

Seculo XII. paulatim introduci cœpit Sacramenti Adoratio: Per X. certe priora Secula nulli obtinuerunt ritus ex eorum numero, qui hodie, cum Sacramentum adoratur, obtinent; unde constans & indubitatum est, nec ita dicti Venerabilis obtinuisse adorationem; Nullam certe vidisses inter communicandum genuflexionem, communicabant ad Altare seu Sacram Mensam stantes; Nullam observasses Sacramenti expositionem in necessi-

cessitatibus publicis; Nullam ejusdem circumge-  
stationem, nec iis temporibus, in quibus Eccle-  
sia non solum plena fruebatur libertate, sed in  
cultu etiam publico prolixa utebatur pompa, &  
fastu summo; Non animadvertisse fœminam aut  
puerum ad ægrotos Sacramentum deferentes, illud  
adorandum proposuisse aut propter euntibus, aut  
ipsis ægrotis; Liberum contra ubique fuisse per-  
spiceres fœminas illud involvere linteo, seu asportare  
domum, illoque uti pro temporis circumstantia aut  
ante, aut post Cœnam, nulla adorationis aut cul-  
tus testificatione: Ast hoc Seculo sensim sensimque  
omnes ritus ad Sacramenti adorationem promo-  
vendam fuere dispositi, præprimis Seculo ad finem  
vergente; prostat ex. gr. Decretum *Archiepiscopi*  
*Canterberiensis*, in quo statuebat, ut sacerdotes,  
quoties Sacramentum portarent ad ægrotos, id fa-  
cerent ipsi vestibus induiti sacerdotalibus, magno  
adeo Sacramento convenientibus; ut Lucernam  
præferri curarent, nisi impedirentur pluvia, aut  
viarum difficultatibus. Hoc ævo conditum quo-  
que est ipsum barbarum *Transubstantiationis* nomen,  
ut barbara, jam per tria Secula obtinens & re-  
cepta de mutatione insensibili & invisibili sacro-  
rum Symbolorum sententia, barbarum etiam ha-  
beret in vesanorum, qui eam affererent ore, quo  
exprimeretur terminum; & primus ejus Inventor,  
ut ALBERTINUS in elaborato suo de *Sacramento*  
*Eucharistie Libro* observat, fuit STEPHANUS *Epi-*  
*scopus Aduensis*. Tandem circiter hoc Seculum  
quoque in quibusdam Ecclesiis, absque publica  
Concilii alicujus autoritate privato ausu, *propter*  
*Periculum*, (quod per tot Secula nemo hactenus  
viderat, ut ajebant illuminati ætatis ejus Præfules,

*Effusionis & Erroris*, sub una saltem specie communicandi consuetudo paulatim invecta est, ne simplices crederent totum Christum sub altera specie non esse: Primo autem statim dare incœperunt plebi frustulum Panis poculo intinctum, aut sorbere eam fecerunt vinum per fistulam, postmodum vero fæci plebis calicis usu plane cœperunt interdicere.

Seculo XIII. Cultus & Adoratio Sacramenti, lente adhuc Seculo præcedente progressa, plane invaluit. *ODO Parisiensis* primus ordinavit, ut populus frequenter admoneretur, quo flechteret genua coram Corpore Christi, ceu coram Domino & Creatore suo, quoties ipsum prætereuntem videret. *Synodus Parisiensis* dein Sacramenti adorationem expressis verbis præcepit, & *HONORIUS III.* confirmavit statuendo, *informandam esse Plebem, ut flechterent Genua, quoties in Sacrificio Missæ Elevatio fieret*; quo & factum est, ut magis magisque eo usque fuerit aucta, quoad vulgare evaserit Sacramentum Deum & Dominum suum vocare, quod vel ex solo illo Disticho, quo *Decretalis Horianæ Glossator*, referente *DALLÆO L. VII. de Cultibus Latin. C. XIX.* obviam Eucharistiam flexo poplite salutari voluit, abunde elucet; illud enim sic habet.

*Salve Lux mundi, Verbum Patris, Hostia vera,  
Viva Caro, Deitas integra, verus Homo.*

*GREGORIUS IX.* postmodum addidit, ut tintinnabulo clangerent ad elevationem, quo audiens quivis sonitum in genua procideret illico, jungensque manus Hostiam adoraret. Leges has omnes

omnes pro adoratione latas hi aliique insuper confirmarunt miraculis , aut frivolis potius fabulis : Vel bestias brutas adorare hostias finxerunt. Sic enim juxta hos , Asinus ANTONII famigerati *de Padua* potius hostiam adorare , quam fæno sibi oblato , licet per triduum fame maceratus , vesci maluit. Ovicula Sancti FRANCISCI ulterius adhuc processit , ad primum enim tintinnabuli sonitum ad elevationem hostiæ edi solitum , continuo se in genua projectit adoratura. Imo alii exinde varia superstitionis propullulare fecerunt instituta , quibus panis putatius Deus honoraretur: Exstruxerunt nempe ædificulas splendidas ejus domicilia , accenderunt ipsi lucernas , deduxerunt regia pompa per vicos. Quidquid URBANUS IV. anno hujus seculi LXIV Superstitionem in summum hac in parte evexit apicem , muliercularum quarundam instinctu , quæ se divinitus edocetas somniarant , Festum Corpori Christi dicans , & publice id singulis annis celebrandum decernens. Oh quid non mortalia pectora cogis cæca superstitionis ! Nemini certe mirum videbitur , si dicamus , edita hæc , fictasque fraudes detrimento maximo Christianæ Religioni fuisse , & detinuisse quam plures , quo minus Christi sequerentur castra ; notum juxta cætera est AVERROIS docti illius Philosophi Saraceni dictum : *Quandoquidem , ajebat , comedunt Christiani , quod colunt , sit Anima mea cum Philosophis.* Aevo ulterius etiam hoc , in Concilio Lateranensi anno MCCXV. habito , ab INNOCENTIO III. Decreto sicut statutum , ut Transubstantiatio inter articulos ab omnibus firma fide credendos referretur. Et tandem quoque orti sunt , ut ipse BONA , & aliij saniorum e Catholicis Scriptori-

ptoribus conqueruntur, detestandi illi abusus, quibus celebrabant *Missas Siccias & Nauticas*, quæ fiebant absque consecratione & sumtione Corporis Christi a mare navigantibus. *Missas item Bifaciatas & Trifaciatas*, in quibus plures Missas, ex singulis quasdam partes recitantes, conjungerent, quo pluribus pro se sacrificium offerri cupientibus satisfacere, & plura pro uno sacrificio stipendia mereri quirent.

Seculo XIV. Uberrima superstitionum, ævo elapso prognata seges, ad medium seculum usque inconcussa floruit: Post medium seculi vero *Johannes WICLEFUS*, vir ingenio æque ac animo magno præditus in Anglia sub EDUARDI III. regno tentavit Reformationem, & juxta cætera rationi maxime repugnans Transubstantiationis Dogma, sacrificium idololatricum Missæ, Communionem sub una specie & sacrilegam Adorationem Hostiæ impugnavit, infelici licet successu, utpote palinodiam ex parte canere coactus. In Bohemia quoque cum scripta *WICLEFI* eo essent perlata *Johannes HUSSUS* adversus Communionem sub una specie palam mutire ausus est, exstat enim ejus opusculum: *An expediatur Laicis Sanguinem Christi sumere sub specie Vini.*

Seculo XV. in Concilio Constantiensi subtractio calicis fuit publice decreta, etiamsi agnoverint sancti congregati Patres, Christi Institutionem aliam fuisse, magis tamen apud ipsos valebat autoritas illorum Patrum, qui, ut ajebant, rationabiliter introduxerint sub una specie communicandi consuetudinem, quam itaque pro Lege habendam, & qui contra

contra mutirent, tanquam hæreticos arcendos & graviter puniendos statuebant. Ab eodem Concilio ob decretam Hæresin de Communione sub utraque *Job. HUSSUS & HIERONIMUS Pragensis* vivi, prior 15. diebus post edictum q. ex tripode pronuntiatum, posterior anno elapso, nefando & inaudito injustitiae exemplo, fracta solenni & publice ipsis data fide, ultricibus a superstitione & dominandi libidine incensis flammis fuere combusti: Quod crudele, & judicante MOSHEMIO, *Prædonum potius, quam integrorum Judicum Conventus dignius factum*, occasionem subministravit tristibus postea *Hussiticis, & Bohemicis turbis*, & per integros tredecim annos protracto bello, in quo inaudita ab utraque belligerantium parte, immanitatis data fuere specimina.

Seculo XVI. quod, ut cuivis, qui in Historia Ecclesiastica haud infans est, constat, Reformationis seculum fuit, errores hactenus per aliquot secula circa Eucharistiam publice ubique recepti sensim sensimque fuere sublati, atque ab Ecclesiis Protestantibus, in *Germaniæ, Helvetiæ, Galliæ, Angliæ, Belgii* urbibus & provinciis, publica ab Ecclesia Romana facta est Secessio, postquam in Concilio Tridentino Anathematis fulmen in omnes illos fuit vibratum, qui non agnoscere vellent, Sacrificium Missæ esse propitiatorium, & provivis & mortuis, pro peccatis, pœnis, satisfactionibus & aliis necessitatibus offerri debere; postquam & in eodem sacerdoto confusu absoluto & irrevocabili adeo decreto, Calicis usus, contrariantibus licet Imperatore, Rege Galliæ, Duce Bavariae, aliisque fuerit proscriptus, ut ab hoc tempore

pore nulli laico liceat poculi usus , nisi forsitan immediate post consecrationem subita morte extinguitur sacerdos , & periculum sit , ne Sacramentum incidat in manus hæreticorum , quo in casu unico liberum est laico , illud integrum deglutire : Quod enim alias in *Belgio* , in nostra etiam *Helvetia* & alibi Vinum porrigunt post assumptum Panem laicis , haud est consecratum , sed solum commune , ideo datum , ut eluat os , ne forte milia sacri corporis , adhaerescens dentibus , remaneat : Ut & ab hoc tempore celeberrimi Ecclesiæ Romanæ Doctores de decreti infallibilitate fuerint adeo persuasi , quo dicere haud dubitarint : *Sub utraque specie communicare , esse revera , se damnare velle* : Item , in *Laicis esse Inspirationem Diabolicam , de eo modo cogitare* . Felix etiam hoc respectu dulci Patriæ nostræ illuxit sydus . Exortus est ille nunquam satis laudandus Heros *ZVINGLIUS* , cuius pro emendanda Religione tantus arsit in pectore zelus , ut disputationibus ac concionibus suis rem eo adduceret , ut quisque Missæ abominationem agnoscere edocetus , ad illius abolitionem lubens manus daret , magistratusque cum plebe universa , de S. Cœnæ institutione & vero usu satis instructus , anno MDXXV. ejus sacrificium idololatricum , cum omnibus ei cohærentibus in urbe & agro re ipsa abrogaret , & Sacram Cœnam ad primævam sanctam suam simplicitatem restitueret.

Beatum adeo quam maxime esset deprædicandum hoc seculum , nisi deplorandæ , inter Communes Reformatores *Saxones* , *Suevos* , *Helvetos* , *Wyrtenbergios* & *Palatinos* obortæ essent controversiae , nisi lis excitata sacramentaria , cuius primus motor

motor exstitit CAROLOSTADIUS , quæque dein inter LUTHERUM , ZUINGLIUM , OECO-LAMPADIUM , alios , honeste primum & civiliter fuit gesta , sine ullo partium aut privatorum affectuum studio ; postea vero ab aliis hinc inde , summa animorum exacerbatione continuata , conquisitis & detectis ab utraque parte dissentientium erroribus , acerbitatibus , scandalis , quæ oblivione potius sepelire æterna , emollire vel corrigere decuisset , si decertantium animi , fervoris æstu in transversum haud acti , ex renovandæ Religiosis , nil , nisi pacem , amorem & animorum fraternum nexus spirantis & suadentis egissent & scripsissent principiis . Ab omni parte hinc inde graviter fuisse peccatum res confessa manet , & suæ confessionis doctores excusare velle , ut JURIÆ-US CALVINUM excusare tentavit , dicendo : *Stylum illum (acerbum scil. convitiorum ingratum odorem spargentibus floribus sparsum) scriptoribus ejus ævi fuisse familiarem ; parum ipsis fuisse , vocare Canes , Asinos , Mulos , imo & Dæmones , quoscumque Adversarios , non solum diversæ , sed ejusdem Religionis ; mihi sane videtur , amori Gentis suæ & antecedentium Majorum plusquam convenit indulgere & nævös excusare velle , quos ipsi detestati fuissent , si scripsissent sedatores , & ipsis e plusquam cimeriis tenebris recens emersis , omnes errorum dispulsæ fuissent nebulæ.*

Ast tamen in mediis his controversiarum Eucharistiæ fluctibus haud semel a diversis , quos grave dissidium pungebat & angebat , quiq[ue] cum FABRITIO CAPITONE , ut mitterentur contentiones , & cogitaretur de Usu ipsius Cœnæ , optarent  
Pacis

Pacis Consilia fuere proposita, unde & *PHILIPPO Hassiae Landgravio* impellente institutum fuit *Colloquium* illud *Marpurgense* inter *ZUINGLIUM & LUTHERUM* præprimis habitum, cuius exitus licet haud in omnibus fuerit exoptatus, id tamen effecit, ut utraque pars mutuam charitatem præstare, Deumque sedulo invocare, quo omnes per Spiritum suum in vera de S. Cœna sententia confirmare velit, fuerit pollicita: quibus tamen promissis haud diu stetit, ad orcum detrusa enim, quæ visa fuit, in lucem statim revocabatur *Egis*, exhibitæ sunt non multo post diversæ Confessiones a se invicem discrepantes, excitata *Formula Concordiae Wittenbergensis*, qua, cum illi subscribere recusarent Reformati complures, collapsa rursus, vehementius quam antea denuo recruduit Bellum Sacramentarium, & protractum duravit in Seculum statim subsequens XVIIum.

Hoc tentata rursum reiteratis vicibus fuit Conciliatio Lutheranos inter & Reformatos: Proposita a diversis pacis amantibus pacis Consilia, ab aliis acerbe statim rejecta: Institutum hoc fine *Colloquium Lipsiense*; suscepit a Celebratissimo illo DURÆO labores maximi, itinera molestissima, sed quo hæc omnia successu, ordinario eheu, i. e. nullo. Frustra & hic laboravit *GEORGIUS CALIXTUS* Academiæ Juliæ Theologus, dum enim aliis Pacis studium suadet omni nisu, sibimetipse se bella, jurgia, accusationes & contentiones concitat, & autor ac parens ita dictorum *Syncretistarum*, pacem cum dispendio veritatis divinæ molientium, rigidis & odio Theologico animatis videtur. Sisyphum adeo hoc Saxum per integrum

integrum hoc Seculum frustra fuit volutum, & eheu Seculo, in quo vivimus XVIII. dura nobis illud adhuc volvendi incumbit necessitas, resque in eo sunt statu, ut de fraterna & integra animorum conjunctione ferme sit desperandum. Præstantissimus ille & inclytus PFAFFIUS quidem ante viginti circiter annos, una cum aliis quibusdam Viris Eruditis pacis proposuit consilia, sed alii sese illico & scriptis & factis conatibus hisce laudandis opposuerunt, ac ita cœperunt tumultuari, ac si Hannibal esset ante portas, Deique caussæ minarentur interitum, qui de pace saltem cogitarent.

Atqui hæc quidem, quæ hucusque disceptata sunt, speciminis loco esse possunt, ex quo constet, ac sole meridiano clarus patescat S. Cœnæ usum per omnem Seculorum decursum ininterrupta serie continue obtinuisse. Licet enim fatendum nobis sit, diversa dogma hoc sacrum experimentum esse fata, hominesque plus æquo semper novaturientes, mirum quantum illius sæpe sæpius permutasse ritus; licet & inficias iri nequeat, veterum primos Doctores opinando plurimum circa illud variasse & dissensisse, ut & hodienum dissentientes, singuli pro sua opinatione e Patrum scriptis desumere queant magis vel minus pugnantia loca; cum enim nondum exortæ essent controversiae, nec Patres fuerint Prophetæ, qui tales orituras præviderint, securius certe de hoc articulo sunt loquuti, unde limate & egregie certe BAILIUS hac de re alicubi; Patres, inquit, tam diversimode loquuti sunt de Eucharistia, ut Expressiones eorum possint comparari Phænomenis cœlestibus. Hæc Physicæ Pars maxime dubia est, & Conjecturis obnoxia;

quot Quæso ! conduntur Systemata , ut horum Phænomenorum Ratio detur ? Et quod mirum est , omnes istæ Hypotheses defenduntur ea saltem cum differentia , ut quædam majorem , quædam minorem habeant Probabilitatem ; Dogma Patrum de Eucharistia eandem sortem nactum est ; non cognoscuntur nisi ejus Phænomena i. e. Phrases diversæ , quas in Libris suis nobis transmisere , eoque res tota redit , ut inveniamus sensum , his Expressionibus involutum . Hoc ut fiat in Partes eundum est , Hypothesesque formandæ . Una ex his est Transsubstantiatio , alia Impanatio , denique alia qua Figura defenditur , possuntque omnia hæc Systemata defendi , si modo Eruditione Ingenioque quis sit instruclus ad Ratiorum omnium horum Phænomenorum dandam , & quæ sequuntur . Tamen hoc dogmatis præstantiæ & veritati quicquam obesse posse , quenquam concludere velle haud existimem ; Id saltem , si quid concicere valeo , demonstrat ; S. Cœnam esse Ritum Sacrum in quo explicando , ut pulchre celeberr . PFAFFIUS non est determinatione mathematica modus præsentia designandus , aut anathematismus contra dissentientes condendus , nisi ii contrariis opinionibus Salvatoris institutum plane subruant . Manet ergo instituti veritas , & continuus Cœnæ apud omnes , a primo institutionis ejus tempore ad nostram usque ætatem , usus , qui invictum , quod paucis & primis , ut ajunt , lineis nobis probandum adhuc incumbit , pro Veritate Religio- nis , cuius est Sacramentum venerabile , præbet argumentum .

Quod S. Cœna a Christi ævo ad nostra usque tempora continue fuerit celebrata , id primo invicte probat ; Jesum revera vixisse & præcipuum

hoc

hoc fidei suæ condidisse Symbolum ac Sacramen-  
tum , consequenter Religionem , quæ ab ipso tra-  
dita perhibetur , non pro vera venditari sub ficti  
Autoris nomine , sed illam Jesum re ipsa habere  
Doctorem , qui eam amoris sui firmissimo firma-  
rit ipse Signaculo & Sigillo : Nisi enim Jesus vi-  
xisset , & ipse fuisset institutor Sacri hujus epuli ,  
qui potuisset fieri , ut per omnem seculorum de-  
cursum in ejus memoriam fuisset celebratum . Num  
dicemus ? Omnes , qui a Christo nomen semper  
habuerunt , primævos , veteres ac recentiores sine  
discrimine quosvis , tam stolidos ac vesanos fuisse ,  
ut celebrarint per traditionem omni fundamento  
destitutam , filii a parentibus continua serie in er-  
rorem inducti , epulum , in memoriam hominis ,  
qui nunquam plane extiterit , merum adeo fuerit  
Phantasma , figmentum cerebri , & purum nihil ;  
absit , ut de omnibus , qui abhinc ad Christi us-  
que tempora per tot secula vixerunt , majoribus  
nostris abjecte adeo sentiamus , quasi se ita faciles  
decipi ab antecedentium singuli grege fuerint passi .  
Cum adeo constet Christianos omnes Eucharistiam  
celebrando semper in ea fuisse persuasione , se actu  
hoc recolere Memoriam Jesu , qui vixerit olim  
Ritus Sacri Autor , simul quoque constat , Jesum  
revera vixisse . Autoritatem & egomet anteceden-  
tium in dictis præsertim , interdum & factis haud  
unice æstimandam duco , utpote qui veritatem  
magis sequendam existimem , sed si autoritati ac-  
cesserit probabilitas & perspicuitas rei , argumentis  
innixa , illam jure maximum pondus habere judico .  
Vel ipsi insuper hostes Religionis Christianæ testimo-  
niis suis comprobant , Christianos primævos Cœ-  
nam celebrasse in memoriam Christi sui , & hoc

ipso , quod & aliis in locis expressis verbis asse-  
runt , attestantur Jesum vixisse , quod certe haud  
facerent , nisi rei veritate essent coacti : Rem enim  
omni vi impugnaturus , ne veritatem quidem ejus  
historicam concedit , si ulla veri specie eam que-  
at negare.

Aut , num dicemus ? Forsan Apostolos histori-  
am totam institutionis Eucharistiæ finxisse. Nemo  
certe , cui sanum sinciput , talia cogitare præsu-  
met. Aut , qui primo potuisset quæso fieri ? ut  
duodecim pauperes & miselli piscatores , morte  
Magistri sui toti conterriti , qui fatum Doctrinæ a  
Crucifixo hoc annuntiatæ nesciebant , in cogitatio-  
nem inciderint fingendi institutionem sepulchra-  
lis epuli , & Jesu ad ejus celebrationem hæc ver-  
ba adscribendi : *Hoc est Corpus meum , pro vobis fra-  
etum ; hoc est novum Fædus in Sanguine meo :* Verba ,  
in quibus novi & inauditi quid latet ; verba , quæ  
PAULUS & Evangelistæ cœteri uno quasi ore re-  
ferunt , absque tamen collusione , quod pulchre  
ex levi , quod in eorum relatione observatur discri-  
mme elucet. Secundo , fraus si heic fuisse adhi-  
bita , minime potuisset latere , sed detecta patuis-  
set illico : Tempore enim primo nati ritus nulla  
fuit opera sese de veritate ejus historicæ convincen-  
di , agebatur de facto simplici , ubi nullus illusio-  
ni locus , ubi vel simplicissimus falli nequiret :  
Quærebatur saltem , an Jesus convenerit una cum  
Apostolis suis duodecim , an Cœnam instituerit fa-  
talem , memoriam mortis suæ & instantis rogi ?  
Quivis hac de re fieri poterat certior , levi saltem  
instituto examine ; tale autem revera fuisse institu-  
tum indubium est. Homines sibi credenda injun-  
cta

cta absque prævio examine arripiunt tum de-  
mum, si illa præjudiciis suis haud obstant, cu-  
pidinibus ab blandiantur, & hujus vitæ commodis  
inserviant; hunc extra casum difficulter assentiant,  
& multum egisse putant, si se saltem ad examen  
tentandum determinent, nam sæpe videre recu-  
sant, quod credere pertimescunt, illud inquirere  
timent, metuentes ne convincantur, ac fugiunt  
lucem, statim ac ipsis suboritur suspicio, eam  
sibi nocere posse. Nunc autem Crux Christi Ju-  
dæis fuit stultitia, Gentilibus scandalum, conse-  
quenter & Crucis ac Mortis Jesu in ligno Crucis  
ferali perpeccæ Memoriale S. Cœna, tota præju-  
dicatis illorum opinionibus adversa. Præparatio  
ad illam digna, qua Passionum inordinatarum ab-  
negatio, peccatorum seria pœnitentia, proposi-  
tum vitæ sanctæ & ab omni carnalium cupidita-  
tum labe puræ, requiruntur, toto cœlo cum  
eorum vivendi consueta ratione pugnabat; quis  
ergo a se impetrare posset, ut crederet, illos hoc  
dogma arripuisse faciles, absque prævio ejus exa-  
mine? Illud examinarunt itaque, & quoniam ex-  
amine instituto arripuerunt, verum certe judicarunt,  
& ex illorum examine ac assensu pro veritate rei  
desumi potest argumentum invictum. Etenim ab  
una parte, examen hoc facile nimis fuit, quam  
ut illud instituentes potuissent falli, ab altera vero,  
arduum nimis & magni momenti, quam ut non  
fuerit serium, rigidum nec negligenter institutum.  
Tertio tandem, si Apostoli heic etiam potuissent fal-  
lere, creditu tamen est impossibile, illos id volu-  
isse. Ex ritu Sacro quem debuissent fingere, fal-  
soque Jesu Autori adscribere, ne minimum qui-  
dem ad ipsos redundasset emolumentum, nec ulla

Religioni , quam traderent , accessisset utilitas ;  
 seu cui potius propter suam simplicitatem , vario-  
 que alio insuper respectu potuisset nocere , atque  
 haud levi esse impedimento . Illorum mores & to-  
 ta agendi insuper ratio talis semper fuit , ut ipsos  
 ab omni fallendi proposito toto cœlo fuisse alienos  
 in confessio sit , quod tota Christianæ Religionis  
 Apologetarum veterum & modernorum cohors in-  
 victis argumentis demonstratum dudum dedit .

Aut , num tandem instabimus ? Primos Christia-  
 nos nimis faciles se ab Apostolis decipi passos , qui  
 crederent , Jesum suisse S. Cœnæ Autorem , in  
 errorem postmodum & induxisse alios , ac in id  
 deliberato consilio conspirasse , ut Christo suo in-  
 stitutionem hujus epuli sacri falso tribuerent , ne  
 ipsi credulitatis suæ luerent pœnas & risus fierent  
 omnium , qui hac de re unquam inaudirent quic-  
 quam . Sed neque hoc ullam veri habet speciem .  
 Ea ætate , qua Christianum esse haud licebat abs-  
 que summa miseria , qua Christo nomen dantes ,  
 vel propter solum nomen Nationibus erant exosi ,  
 ac indies omnibus iis expositi , quæ prava imagi-  
 natio , supersticio , furor Imperatorum & provin-  
 ciarum Præfectorum contra illos decernere gloriæ  
 & voluptati sibi duxerat , an vixisse , inquam , ea  
 ætate homines credibile est , quos ita amentiæ ur-  
 serit furor , qui adeo sibi fuerint inimici , ut  
 vanæ gloriæ , fictique dogmatis caussa sese obje-  
 cerint potius omnibus miseriis , quam illo carue-  
 rint , aut illud fictum esse , seque decipi se passos ,  
 fuerint confessi ; incomprehensibile sane est , illos  
 lubentes ita in propria sua commoda incurrere ,  
 fortunas suas fictionibus sacrificare , & fabulis sibi  
 suis .

suisque omnibus adeo funestis consentire voluisse; et si quidam id revera voluissent, impossibile tamen fuisset, quosvis unanimi consensu in id conspirasse: Per omnes dispersi erant nationes, omnium fuerant linguarum, locorum quæ inhababant distantia, tristi eorum juncta sorti, ipsis haud permittebat, ut commercia inter se alerent satis familiaria, qua veritatis specie credi itaque posset, illos ad arripiendum & vel vitæ suæ periculo defendendum dogma fictum, conspirasse adeo unanimiter, nisi de veritate & divina ejus origine plena ipsis inhæsisset persuasio.

Continuus adeo per omnes ætates S. Cœnæ usus invicte demonstrat, Jesum vixisse olim, & ejus fuisse Institutorem, cum de eo habeamus omnium, qui unquam fuerunt Christianorum consensum, cum & neque Apostoli illud fingere, neque primi Christiani fictam fraudem propagare, nec voluerint, nec potuerint.

Sed non solum hoc, verum insuper idem pertinax usus & abunde demonstrat, Jesum non fuisse Impostorem, consequenter nec ipsam Religionem, cuius fuerit stator, opus meritis fraudibus consumatum, & fabulis consarcinatum, ut impostorum dicta, facta, instituta solent. Aut quis, qui res justa animi secum librare seit lance, a se posset impetrare, qui crederet, tot & tot millia imo myriades hominum sana ratione gaudentium, Cœnam hanc fatalem per septendecim jam Secula cœlebrasse, haud intime persuasos, se non memoriam simplicis hominis demortui, qui cœlitus demissi Doctoris larva indutus, merus fuerit impostor,

sed contra viventis Dei & ex alto Prophetæ re-  
 colere? Ego saltem perspicax adeo non sum, ut  
 mente concipere valeam, illos id fuisse facturos,  
 si vel levissima ipsis oborta fuisse suspicio, ejus  
 institutorem fuisse simplicem hominem, morte  
 jam dudum corruptum, imo pessimum, qui se  
 falso Deum fuerit mentitus, impostorem, & si re-  
 rum eventus non justificasset ejus verba, & mor-  
 tuus semel nunquam, ut saepe prædixerat, revi-  
 xisset, ac sepulchri circumclusus duro lapide,  
 ejusdem fortis dirrupisset claustra, & obsignatas  
 fores. Fuerunt omni ævo, qui nonsolum, ut  
 jam dedimus demonstratum, examinarunt, an  
 Jesus vixerit Cœnæ Sacræ Autor, sed & qui severo  
 quoque examine inquisiverunt in ritus hujus natu-  
 ram interiorem, quid quod in reliquam doctrinam,  
 dogmata, miracula, mores, vitæque rationem  
 Jesu omnem, qui & examine facto fuerunt con-  
 victi, vesanos illos esse debere, qui divinam Jesu  
 missionem vellent vocare in dubium, qui ideo  
 de innocentia & sinceritate Jesu persuasi, ejus pro  
 salute peccatorum in crucis ara immolati me-  
 moriam, grata semper recoluerunt mente, ea ra-  
 tione, qua ipse id fieri a suis in ultima Cœna  
 voluit, jussitque. Fuerunt primis enati christia-  
 nismi Seculis, qui medias inter dirissimum per-  
 sequutionum & afflictionum procellas, media in-  
 ter vincula & atræ caliginis carceres, medias inter  
 mortes, memoriale hoc sacrum mortis Sectæ suæ,  
 ut tum temporis vocabatur Confessio Christiana,  
 Autoris celebrarent, qui, ut sibi adeo felicibus  
 esse contingeret, qui possent cultus religiosi Jesu  
 suo hanc præstare partem, quærebant, cum aliter  
 & in publico illud fieri haud liceret, Latibula,

Syl-

Sylvas, Cœmeteria, Speluncas, uno verbo, qui quicquid non paterentur potius, quam ut hunc cœterosque actus religiosos omnes desererent, quorum adeo mentibus certa, rationibus firmissimis fundata inhæsit persuasio, divinum suisse quem iis venerarentur Jesum. Nulla enim verisimilitudinis specie fortitudo hæc invicta, potest tribui, ut illud a Christi asseclarum hostibus factum suisse alibi ex professo ostendimus, pervicaciæ, fatuitati, furori, nec etiam præjudicatis a nascendi sorte & educatione prognatis opinionibus, cum capi nequeat, tantam multitudinem, ut Celeberr. TURRE-TINI verbo utar, *ad tanta subeunda mala, mera Pertinacia impulsam esse;* cum etiam infinitus pene extiterit Paganorum numerus, qui præjudiciis favorabilibus pro Religione Christiana prorsus non muniti, haud levia contra adversus eam alerent, & tamen ea semel agnita, mori statim potius, quam illam rursum deserere essent parati. Imo fuerunt omnes hi non mera fæx vulgi, non rude modo & ignarum hominum genus, quod alienis solum oculis videre, suis vero cœcutire affolet, sed & frequens satis virorum limati judicii numerus, aptus rerum pervestigare & cognoscere causas, ut id demonstrare esset nulla opera. Quid quod fuerunt non solum ævis illis, longa temporum intercedpine a nobis remotis, sed & Patrum nostrorum memoriâ, qui æque duras si non infinites prioribus illis acerbiores persequutiones, quas legendo nemo possit lachrymis æquare dolorem, paterentur, saltem ideo, quia nollent sacrum Eucharistiæ epulum alia ratione celebrare, quam ea, qua Christus id fieri jussit; An autem & hos fatuos dices & præjudiciis præpeditos, qui ex mera per-

vicacia ad ultima quæque usque heic obluctarentur? Minime vero; sed quicquid piæ illæ animæ egerunt, id egerunt plene persuasæ de divina institutionis S. Cœnæ autoritate, cuius morituri ultimam, in Testamento gratiæ perspicue satis designatam, voluntatem violare, immutare & corriger velle nefas esset, & crimen morte piandum: Egerunt persuasæ de ritus sanctitate, quam nulla idololatrica superstitione maculare fas esset: Egerunt tandem persuasæ sacram hanc Cœnam esse Religionis suæ sanctissimæ insigne eximum, antiquitate sua & constanti Usu venerandum.

Tertio loco denique constans ritus nostri, de quo agimus, usus, pulchre & ad cujusvis convictionem patefacit; Summam Doctrinæ a Jesu nostro annuntiatæ, quod ipse nimirum morte sua piaculum & caussa salutis factus fuerit omnibus credentibus, quæ per Sacram Cœnam viva quasi imagine adumbratur & repræsentatur, tanquam doctrinam veram, salutarem, constanti Seculorum fide & consensu, in celebratione S. Cœnæ perpetua fuisse conservatam, propagatam & confirmatam; Nec etiam ullam aliam propagandæ & confirmandæ hujus Religionis rationem potuisse excogitari certiorem, efficaciorem, omniumque ingenii magis attemperatam.

Quod enim ad primum attinet, illud absque prolixa demonstratione, cuivis vel leviter attenti in oculos incurrit. Aut unde quæso evenisset, ut celebratio hujus S. Epuli nunquam per tot Seculorum decursum fuisse interrupta, si, qui per illas ætates vixerunt christiani, in ea modo fuisse

fuissent opinione, se simplicem solum ceremoniam, externum modo nil significantem ritum peragere: Certe quicquid humani saltem cerebri figmentum est, quicquid ad externos modo ritus pertinet, tempore collabitur, ut incepit desinit, statim ac aliis, qui prioribus succedunt, placuerit antiquos novis permutare ritus. Procul dubio omnibus, quos per illa tempora Christiana Religio habuit Confessores, firmissime fuit persuasum, sibi externo ritu, propositisque in illo terrenis signis adumbrari cœlestia dona, vividis coloribus depingi Jesu institutoris divini ritus perpetuam mortem, effusum Sanguinem, ob oculos poni & manibus quasi palpandum præberi intensum salvatoris amorem, qui tanta, bono peccatoris, haud recusarit pati; Hinc lubentes adeo ad divinam hanc ceremoniam adfluxerunt, hinc nullis machinis, ut jam antea monitum, nullis hostium technis, ab ejus celebratione se absterrerit ac abripi sunt passi, hinc nunquam divinum institutum fuit collapsum, sed continuo ejus usu Doctrinæ Christianæ Summa, morte Jesu complexa, conservata, propagata & confirmata. Quod & nulla ratione potuisset certius, efficacius & aptius fieri.

*Non certius;* Factum id equidem quoque fuisset per solum de Jesu Sermonem & Evangelii præconium, per Scripta & Relationes Evangelistarum & Apostolorum; Ast cum his accesserit insuper adhuc actio externa Summam Religionis adumbrans & repræsentans, procul dubio hæc fidem conservandi ratio evasit certior, quam nulla Doctorum Ecclesiæ incuria aut depravatio, nulla injuria temporum potuit pervertere aut destruere. Memoria

et-

etenim alicujus facti notabilis literis quidem conservatur, melius tamen & certius semper, si non sola litera ejus sit testis, sed externum, visibile & palpabile illius quoque prostet signum & memoriale.

*Non efficacius;* Etenim si parentis, amici, patrōni morte dudum defuncti, aut imaginem, aut amicitiae & amoris aliquam relictam tesseram, & sensibile pignus oculis contueor, manibus contracto, annon vividior mihi excitatur amoris sensus, annon vehementius commoveor, quam si simplici & nudo sermone ejus mihi renovetur memoria, quam si quædam saltem de illo in Scriptis servata legam? Præsens ita quasi mihi ad latus adstat, oculis ipsum quasi usurpo, manibus quasi amplexor, permovere sic millies magis quam ratione omni alia. Sacra Cœna quid autem aliud est, quam viva truculenta nece demortui Salvatoris imago? Panis & vini symbola quid aliud, quam intensissimi ejus amoris tessera? An efficacius ideo quid posset excogitari ad mihi Religionis Christianæ totius summam, quæ Jesu mors, & per eam parta omnimoda salus est, vividioribus coloribus delineandam, ad me ad mutuum benignissimi Salvatoris amorem permovendum, trahendum, rapiendum, ad doctrinam hanc saluti feram propagandam & confirmandam? Haud equidem putem.

Non denique id ullo modo potuisset fieri *aptius* & *omnium ingeniis attemperatiu*s; Ita nempe sunt maximæ partis hominum ingenia a natura comparata, ut rebus in exteros sensus incurrentibus, visibi-

visibilibus & palpabilibus magis se affici patiantur, quam illis, quæ sola mentis percipiuntur contemplatione. Externa adsunt in S. Cœna signa Corporis Christi fracti & Sanguinis effusi, quivis ergo, non modo doctus & sapiens, rebus, quæ sub externos sensus non cadunt, considerandis aptus, sed & indoctus his contemplationibus haud assuetus, sanæ modo mentis compos, aliquali saltem ingenii vi donatus, in speculum hoc quasi inspicere, & in eo mortem sui Soteris vivis lineamentis repræsentatam, ut unicum suæ salutis medium oculis suis pervidere facile potest. Mediante celebrazione sacri hujus Epuli, in omnium non modo piorum, bonorum, honestorum, sed & vel maxime deperditorum animis, in durissimæ cervicis hominibus, desiderium salutis morte Jesu partæ excitari, fidei in crucifixum Soterem igniculi incendi, amor Salvatoris tanta perpessi inflammari, cupido bonorum per divinum Mediatorem misericordis mortalibus comparatorium cieri, uno verbo tota Religionis sanctissimæ Summa per quam commode omnium omnis ingenii hominum mentibus, attemperate adeo insinuari & commendari potest, ut aptius & commodius id certe effectum dari nequiret.

Omnibus quidem hactenus prolatis objicere quis posset: Dari & alias Religiones, in hoc, quo vivimus orbe, quæ & ostendant suos ritus jam per aliquot secula durantes, illorum consequenter asseclas & gloriari simili jure posse, suam Religionem, cuius ritus tam diu vigeant, esse immotæ veritatis, nec imposturæ ac meræ fraudis opus. Lubens quidem largior, dari ritus falsarum Religionum

gionum, qui jam per longum satis tempus dura-  
 rint, sed mihi contra, ni turpis fallor, facile con-  
 cedent omnes, tam diversam esse rationem harum  
 Religionum & Christianæ, si comparentur invi-  
 cem, ut non æque stringentí argumento pro ve-  
 ritate utrarumque exinde concludi queat. Nulla  
 enim monstrari potest Religio, quæ tot, ut Chri-  
 stiana, nacta sit aggressores, inimicos, Inquisito-  
 res, si ita loqui fas est, & Examinatores, in qua  
 ideo facilius & citius fuisset detectum, si quid falsi  
 & ficti in ritibus & ceremoniis ipsi fuisset additum.  
 Nullis non obstaculorum generibus indies suit præ-  
 pedita, & ab omnis generis hostibus continue op-  
 pugnata. Imperatores & rerum domini edictis suis,  
 ut in Christianos eorumque novellam Religionem  
 quam severissime inquireretur, haud semel decre-  
 verunt, ac cum edictis & inquisitione nil adversus  
 ipsos valerent, gravissimas contra insontes perse-  
 quitiones excitarunt, tantaque in illos sævitia,  
 tanta immanitate sævierunt, ut vel rigidos ille si-  
 lices, solidumve in pectore ferrum aut adamanta  
 gerat, qui crudelitatis hujus specimina vel fando  
 vel legendō sibi temperet a lachrymis. Imperato-  
 ribus accesserunt philosophi & viri cæteri erudi-  
 tione sua inter gentiles conspicui, hi enim omni-  
 nisu, nascentis Religionis splendorem & veritatem  
 offuscare tentarunt, & cum id rationibus non  
 possent, veritatem rectamque philosophandi viam  
 verterunt in fallaciam, & illos, quos argumentis  
 dejicere nequirent, conviciis & falsis criminationi-  
 bus vincere sunt aggressi, ac juxta innumera re-  
 liqua S. Eucharistiæ divinum ritum infamare studue-  
 runt, impuro ore afferendo, Christianos in his  
 suis sacrī clandētinis, tirunculi infantis cæsi car-  
 nem

nem edere & sanguinem bibere , ac Thyestæis Epulis turpiter pollui. Hos denique adjuverunt in universum omnes Judæi pariter & Ethnici , cum integra sibi connata præjudicatarum opinionum , affectuum & vitiorum caterva , de externo Messiæ Regno , de rituum & ceremoniarum splendido apparatu , de humana sapientia & subtilitate , quæ omnia , ut jam paulo superius monuimus , humili Christi & ejus asseclarum fortunæ , Cruci hujus Doctoris & ejus nil nisi sanctam simplicitatem spiranti Μυημοσύνω S. Cœnæ quam maxime adversabantur.

Monstret nunc quis Religionem ex falsarum agmine , quæ tot tantaque experta fuerit adversa , nec tamen falsitatis potuerit argui , nulla certe datur. Aliam prorsus falsæ Religiones cum rituum suorum ficto apparatu habent suæ durationis causam , Vim nempe externam , Arma , Technas , Machinas diversi generis improbas. Impostorum certe opera corruunt , nisi his continue mediis roborentur , ac suffulciantur. Paganismus Imperatorum Romanorum & Principum præsidiis adversus Religionis Christianæ augmenta sese tuitus est , & hodienum adhuc ignorantia , cœcitate & plus quam cimmeriis tenebris sustinetur. Muhamedismi lata & diuturna extensio armorum , ut notum , vi & subdolis Magistri artibus omnia debet. Et ut hoc etiam addam , depravatus Cœnæ Usus , Missæ puta sacrificium idololatricum , diu jam cum toto superstитioso ceremoniarum reliquarum apparatu desiisset , nisi continue vi , armis , cæde & sanguine sanctorum fuisset suffultum. Nihil hujus unquam in Religione nostra sanctissima observa.

servatum est , tota Religio & speciatim ritus noster , de quo agimus , sanctissimus sua virtute invaluit , nullis humanis præsidiis adjutus , idem sua virtute permansit , nulos non adversarios expertus ; irruerunt in illum omnes portæ inferorum , ab initio Imperatorum tyrannis , Sacrificulorum diaboli furor & Philosophorum convitia , Paparum postmodum inclemensia & cucullatorum Monachorum livor , sed frustra ; offuscatus enim & corruptus licet per tempus , pristinæ tamen rursus restitutus fuit simplicitati & puritati , ringentibus licet , imo frementibus & furentibus inimicorum turbis . Insigne adeo , quod demonstrare oportuit , suppeditat argumentum , quo probari pulchre potest , Jesum divinum ejus institutorem revera vixisse olim ; Eundem dein minime fuisse impostorem , cuius opus & institutum , passionum suarum Sacrum Memoriale , tempus destruere quiverit edax , utpote propria virtute permanens & duraturum eo usque , quo ipsi ejus Authori illud rursum adventu suo secundo destruere placuerit ; Summam denique Doctrinæ Christianæ in S. Cœna adumbratam , tanquam doctrinam veram & salutarem , constanti seculorum fide , fuisse hoc adhibito ritu conservatam , propagatam & confirmatam , nec ullam aliam ejus propagandæ & confirmandæ rationem fuisse certiorem & aptiorem .

O si nunc potis fuisse Novum hoc pro Divinitate sanctissimæ nostræ Religionis Argumentum dignis modis illustrare ! Quo omnes , qui Christo nomen dant , agnoscerent S. Cœnæ & hoc quo illam repræsentavimus respectu , magnam deberi venerationem . Utinam omnibus bona sua nosse & tanto Cœli & divini Soteris munere , quantum hoc S. Epulum est ,

est , condigne , ut ipse jussit , frui ac uti datum sit ! At talia vivimus eheu tempora , quæ exulte- rata & ferrea adeo sunt , ut quicquid Sacrum sit , profanitatis longe lateque grassantis sit expositum insultibus , ut sacer proin quoque hic ritus publi- cis & privatis circa ejus administrationem & frui- tionem abusibus , et defectibus , qui non furtivi sunt , sed præter oculos eunt , hinc inde violetur , et ejus primæva facies turpiter haud unis maculis sit defœdata . Liceat quosdam abusus et defectus quos e medio tollere forsitan haud incongruum es- set , vobis Aud. Ampl. Honor. paucis adhuc ver- bis ob oculos ponere .

Non distribuitur S. Cœna , quod mihi maximum semper hac in caussa malum visum fuit , cum satis sufficiente circumspectione , nec inde arcentur , quod fieri tamen oportet , illi , quorum maliti- am ultra modum procedere publico constat ; sed proh dolor ! omnibus promiscue ad Augustum hoc Sacramentum patet aditus ; digni , indigni , nocentes et innocentes , pii et flagitosi , senes , juvenes , noti et ignoti æque omnes admittuntur , ac quisque sibi , suæque relinquitur conscientiæ : Disciplina Ecclesiastica , quæ olim sub *Excommuni- cationis* nomine floruit , una cum Vita Christiano- rum , depravata jacet : Ejus apud nos quædam saltem obtinet species , quæ vero potius Civilis est , quam Ecclesiastica ; defertur enim monitoribus asper illico magistratui , qui decernit , quid fuerit etiam a parte Ecclesiæ meritus . Hic etiam disciplinæ gradus exercetur magis erga agri incolas , quam urbis cives . Illi magistratus decreto fre- quenter ob commissa Mercatoribus fulta , aliaque

Tom. III.

Q

legi-

legibus civilibus interdicta facta in publico cœtu  
sub pulpito stare damnantur , & sibi a V. D. Mi-  
nistro publicam censuram inuri pati debent , qui-  
bus tum omnis Pœnitentia Ecclesiastica absolvitur ,  
quoque facto ad cœtum pertinent ut antea , labe-  
que omni rursum sunt immunes . Hi vero , ac si  
privilegium heic accepissent , similisque censura  
nobilitati civis esset injuria , nunquam similem  
pœnam subire tenentur , nisi omnibus facinoribus ,  
quæ ne inter gentiles quidem , multo minus inter  
Christianos nominari deberent , sese commacula-  
verint , nisi pessimæ notæ sint homines , nisi leges  
**omnes** , honestas , pudor omnis clamitent , im-  
punes abeunt , aut ipsis saltem privata censura de-  
cernitur , si ad publicam itum fuerit , illa non  
coram cœtu integro , publica cultus divini hora ,  
sed alio tempore exercetur , ne ecclesiasticæ disci-  
plinæ speciem nimis præ se ferat . Excommuni-  
catio ipsa plane desiit : Majoris nomen ne quidem  
notum est , minor raro adeo exercetur , ut exem-  
pla ejus nulla ferme prostent ; nemini enim , quod  
sciam , aditus ad S. Cœnam præcluditur , nisi  
quatuor mœnibus sit interclusus & sub magistra-  
tus potestate . Vel ipsi pagani dignius heic nobis  
egerunt , a Sacris utopte suis arcuere profanos &  
flagitosos omnes , quod vel ex solis Statii versibus  
iquere poterit , qui ita modulatur

## Adeste

*Di , Hominesque Sacris , procul hinc procul ite nocentes ,  
Si cui corde nefas tacitum , fessique senectus  
Longa Patris , si quis pulsatæ conscius unquam  
Matris , & inferna rigidum timet Aeacum Urna .  
Insontes castosque voco .*

Cum

Cum nos contra ad Sacra nostra , quæ ipsa sunt Sanctitas , imo sublimis Sanctitas , & sancta Sublimitas , Mysterium pietatis adorandum , admittamus quoscumque βεβήλως . Regerere quidem quis posset in tanta ad Sacram Synaxin accedentium multitudine aliter id fieri non posse , bonos esse mixtos malis , sanctos interspersos profanis , nemini que præ fronte scriptum , quis aut cujas sit . Ritus porro in nostra Ecclesia ad S. Coenæ administrationem adhiberi solitos ita esse comparatos , ut mali & famigeratissimi peccatores se faciles , ne inquirantur occultare possint . Facile & ego concesserim , hac , quæ apud nos obtinet , consuetudine , difficulter heic aliquid praestari posse , at quæstio oritur , nobis heic haud decidenda , an non alii ritus , qui in plurimis Protestantium Ecclesiis , etiam in agro nostro , aliquali cum discrimine obtinent , hoc alioque respectu conducibiles essent : Jam consueti enim diversis incommodis obnoxii , multis cordatis viris jam dudum visi sunt . Si singuli Mensam Sacram incircumstantes , sedentes , vel saltem transeuntes , qui diversi alibi heic obtinentes ritus sunt , accedere deberent , liceret Ministro quemvis in os intueri , multi inde aperte facinorosi sua sponte emanerent , metuentes , ne publica sibi inureretur nota , jubarenturque incommunicati abire . Quivis prorsus ignotus , qui saepius , etiamsi ater an albus sit nesciatur , Mysterium hoc participat , posset arceri , usque dum sese fide dignis literis testatoriis , cujas esset , Ministro probasset , quod laudabili prorsus consuetudine Ecclesiis Gallicanis in Belgio alisque in usu esse observavi . Si et insuper illis , qui manibus suis lora regiminis ecclesiastici tenent ,

placeret disciplinæ ecclesiasticæ rigidiores quosdam gradus pristino suo usui restituere , & Excommunicationis laudabile institutum nova vita donare , haud parum forsan id , ad tollendas S. Cœnæ Profanationes possit juvare . Novi quidem pulchre illud amplius in omni sua extensione , qua olim obtinuit , nostris temporibus exerceri nequire , dum si hodie , ut celeberr. PFAFFII verba heic mea faciam omnes , qui habituali peccati dominio laborant e cœtu Christiano essent ejiciendi , vel ipse tandem cœtus ex cœtu esset ejiciendus . Novi & illas rationes , ob quas beati Majores nostri , qui tamen , ut ex verbis , quæ in *Confess. Helvet.* Cap. XV. leguntur , patet , illud haud prorsus adversabantur , idem ad novum exercitium revocare haud sunt aggressi , illas etenim prolixe deductas legere datur apud *Benedictum ARETIUM Theologum Bernensem* haud incelebrem , *Problematum* ejus , loco CXII. Ast tamen horum omnium pondus haud tantum esse judico , ut evincere prorsus queant , ex sapienter revocatis quibusdam rigidoris Excommunicationis & primævæ Disciplinæ Ecclesiasticæ gradibus nullam posse exspectari ad promovendam sanctiorem & salubriorem S. Cœnæ celebrationem , utilitatem , illosque certe frustra nulloque cum successu , licet revocatos , adhibitum iri .

Non celebratur dein , quod mihi heic quoque desiderandum videtur Communio satis frequens . Primorum temporum Christiani , mortis Magistri sui multo frequentiorem recolebant *Αράμυνσιν* , per trium priorum seculorum decursum singulis diebus dominicis S. Communionem sumere tenebantur omnes . In Ecclesia Carthaginensi , Romana et quibusdam aliis singulis diebus celebrare S. Eucharistiam erat

CON-

consuetum. Aetate TERTULLIANI S. Cœna celebrabatur quoque in Anniversariis Martyrum Festis, et per quinquaginta dies inter Pascha & Pentecosten, quæ continua serie continuata erant Solennitas: Omnibus quoque diebus stationarijs, quarta et sexta item cujusvis hebdomadis per annum feria. Nunc temporis tres saltem hactenus in Ecclesia nostra recepti sunt Communionis actus, et ne his quidem omnibus interesse consueverunt tempore turpi languentes nostri ævi Christiani, sed eos sub frivolis praetextibus haud semel subterfugiunt. Laudabili quidem conatu Senatus Ecclesiastici membra Magistratus consilio, jussu et authoritate quartum adhuc ex aliquo tempore addere allaborarunt; ast hactenus, ejus nondum acquiri, fato jugiter deflendo, potuit introductio. Quod si vero in causas rareris hujus S. Cœnæ usus inquiramus, ille forsitan jure maximo adscribi poterit defectui zeli pietatis, quo olim primi Christi Confessores immensum ardebant, et a quo, quod nullis sat deflendum lachrymis hodiernos Christianos omnis ætatis et conditionis multum defecisse constat. Aut si nimis durum videatur pietatis zelum Christi hodiernis asseclis adimere, ejusque defectum communionis frequentioris intermissæ cauissam tradere, alia illa forsitan dari poterit; Nimia nempe et non satis concocta, si ita fas sit loqui, sacri epuli veneratio, ut et terror hominum mentibus injectus nimius, ob imminens capitibus eorum periculum, si haud rite accederent ad tremendum Epulum, horrendum Sacrificium, Mensam terribilem, ut Patribus olim, hyperbolicas loquitiones plus satis amantibus, et recentibus hodie quibusdam scriptoribus et concionatoribus, dictionis elatum genus nimis

affectantibus, S. Cœna dicta fuit et vocari adhuc consuevit. Certe ex hoc fonte infrequentes nostro ævo Communiones deducunt, Illustris TILLOTSONIUS in eleganti *Sermone de Communione frequenti*, & PIERCEUS Anglus in *Tractatu suo de Communione Infantum*, ubi juxta cœtera eleganter: *Annon Dederus maximum est*, inquit, *anon indignum factum*, quod *Communio Sacra in quibusdam locis saltem celebretur semel quovis Mense*, in aliis semel sex Hebdomadibus, in aliis semel saltem quovis Mense tertio, in aliis denique semel in integro anni cursu? *Quantum hic, quæso!* usus distat ab usu veteris Ecclesiæ? Hæc statuebat, ut omnes fideles, qui *Templum ingressi ad audiendam S. Scripturæ lectionem*, haud assisterent celebratiōni S. Cœnæ, ab ejus usu suspenderentur, ceu ordinem convenientem prætergressi. Qualis autem ex hodie consueto usu emanabit fructus? Veneratio quidem Sacramenti, fateor, ast qualis veneratio, quæ terrorem inculcat & turpem neglectum. Talis vero veneratio an respondet fini illi amabili, quem sibi præfixit Salvator, institutum hoc sanciens? Hactenus ille. Licet ego negleḡtum frequentioris Communionis priori potius caussæ, junctæ non satis intellecto & juxta intentionem & sensum Salvatoris explicato Cœnæ Mysterio, (quod malum diverso respectu inter nos grassari pulchre & suis fundamentis ostendit Clar. ZIMMERMANNUS in jam laudata Dissertatione nupera) adscribendum esse existimem.

Non adhibentur porro ad S. Epulum Panes fermentati, nutritivi, ordinarii, sed panis modo azymus, imo ne hiç quidem, sed meræ Oblatæ, quod & a prima Cœnam celebrandi ratione abludit. Licet enim Christus, ut probabile est, ad primam Cœnam

Cœnam adhibuerit Panem azymum , cum illo tempore , quo S. Cœnam instituerat , nullus alias Panis ad manus fuerit , tamen , ut superius a nobis indigitatum est , Pane ordinario Christiani primævi ad Seculum XI. usque constanter sunt usi ; & fermentatus etiam ad vitam animalem sustentandam communiter adhiberi solitus , aptior certe est ad repræsentandam *spiritualem* illam *animæ nutritionem* , per carnem Salvatoris , de qua Johannis Cap. VI. quam leves illæ & tenues Oblatarum particulæ , quæ certe haud verus Panis , sed spuma solum Panis sunt , nostræ Ecclesiæ adhuc ex superstitione Papistica relictæ , cui Hostias seu Oblatas introducere proficuum ideo fuit , quo facilius plebi persuadere possent monstruosam Transubstantiationem , in qua nil nisi speciem Panis , & mera accidentia , substantia plane deleta remanere , stulti afferunt.

Tandem inter ea , quæ forsan in externis administrationis ritibus in melius possent insti-  
tui , est : Quod loco prælectionis historiæ institu-  
tionis S. Cœnæ , forsan convenientius esset , inter distributionem sacrorum elementorum adhibere  
Cantum Psalmorum quorundam , aut Hymnorum  
Sacrorum , actioni illi congruentium , ut moris in Ecclesia primitiva fuisse ostendit BINGHAMUS  
jam aliquoties laudatus , & ut etiam fieri adhuc-  
dum in plerisque Protestantium Ecclesiis consuevit.  
Ita enim suavi & pio concentu communicantium  
animi eo facilius , quam simplici historiæ , jam  
omnibus satis notæ , prælectione , in pia mentis  
devotione contineri , & eo fortius ad amorem ,  
laudes & glorificationem Dei & divini Soteris ,  
tam insigne nobis in S. Cœna amoris sui panden-  
tis Τεκμηρίον , possent excitari , & per oblectamentum

*Aarium infirmior animus in adfæcum pietatis adsurgere,  
ut AUGUSTINI phrasis habet.*

Sed cum nostrum non sit heic, si nempe medica, quod forte pauci mecum agnoscunt, requiratur manus, mederi, aliorumque, qui immensum plus vident & valent, humeris hæc imposita sint onera, diutius his haud immoramus, sed vobis, Patres Conscripti, Ecclesiæ nostræ Proceres utriusque ordinis primi loci! totum hoc opus et integrum relinquimus, omnique vos prece efflagitamus & obtestamur, ut omni vestra, qua polletis, polletis autem immensum, mentis ingeniique Vi eo nitamini, ut Sacræ nostræ Religionis inæstimandum hoc Κειμήλιον S. Cœna, unde Veritas & Divinitas ejus sole meridiano clarior elucet, pristino restituatur decori, ut abusus & defectus ejus removeantur, tollantur, aboleantur, usus contra stabiliantur & firmentur, omniaque ad majorem Ecclesiæ ædificationem & summi Numinis instituantur gloriam.

Cœteros omnes, quos aliquis sanctæ Religionis amor, aliqua æternæ salutis cura tangit animæ, monemus, rogamus, obtestamur, ut ipsi, quis suo loco, videant, qui S. Cœnæ privatos abusus, publicis longe frequentiores, tollant et medio, quo ei suus rursum constet honos, redeatque primæva innocentia. Utamur S. Cœna nos, qui jam peccatis nostris misimus nuntium, & rite resipuimus, ut *Sacramento confirmationis*, quo in bona mentis firmi perstemus constitutione; Nos vero, quibus gratia hæc salutaris & verticordis nondum affulxit, quibus veterem hominem nondum exuere  
cœlitus

cœlitus datum est, ut *Sacramento præparationis*, quo impellamur & excitemur, ut in posterum seriam agamus pœnitentiam. Omnes caveamus sedulo, ne imparati & impuri sacræ accedamus Mensæ, quo minus siam rei Sanguinis Salvatoris, quo minus inter Altare Mensæ Dominicæ & Aedem sacram, ut olim *Zachariæ* a nefariis Judæis factum legimus, summum cœli Prophetam Jesum nostrum denuo *neci demus*, *crucifigamus*, & *pedibus conculcemos*, ad nostram perniciem & æternum irreparabile damnum, ut Apostoli ipsissima verba habent, *preciosum ejus Sanguinem*. Præparemus nos itaque ad sacrum hunc actum rite adeo, ut illud in imperfectione, quacum continue nobis colluctandum est, fieri potest, seriam agamus pœnitentiam peccatorum ante commissorum, firmumque stet animo nostro propositum, in posterum fœda crima, pravos animi affectus, peccandi habitus, imo corde eradicandi, morem contra gerendi Evangelio & omni nisu eo incumbendi, ut conditiones fœderis, quod solenni modo in S. Cœna confirmamus, explere continue simus parati. Reliqua, quæ nobis ad dignam præparationem desunt, relinquamus Deo & verticordi ejus gratiæ, hoc fine nobis supplici semper prece implorandæ. Id speciatim observent juvenes ministri, qui nimis forte frequentes, ex more in Ecclesia nostra recepto, ad ministerium S. Eucharistiae adhibentur. Hi certe intento studio & summa præceteris cura eo debent anniti, ne illotis manibus, impura conscientia Sacra hæc tractent. Cum enim juvenum animi ad res terrenas potius eheu! semper inclinent, quam cœlestes, a rebus divinis continuo sint proclives ad humanas, a bonis æter-

num permanentibus futuri Seculi, ad inanes & perituras hujus ævi quisquilias, ipsis ut plurimum deest debita, quæ totum hominem requirit, præparatio, debita in ipso sacro actu animi attentio, & sincera cordis veneratio: Id ergo agite, o cara Deo Ecclesiæque dicata pectora! in id omnibus viribus allaborate, ut vos in tota vita vestra præstetis consummatos juvenes & veros Dei Nazireos, nullo mortuorum operum & cadaverosi hujus mundi contactu coinquinatos, ut pubem eximiam, regale Sacerdotium & cœleste Peculium, ad quod acquirendum & ab impura mundi fæce separandum, ut crastina nos docebit Festivitas, ipsa de Cœlo se demisit Divinitas, natus & denatus rursum est Jesus Salvator optimus; Ita enim vobis, quoties in Sacro Cœnæ Epulo recolenda erit memoria ejus, qui vos in servitium sibi liberaliter adoptavit, nunquam deerit debita præparatio, nec in periculum venietis unquam, incurriendi, celebrando sacrum actum, vestram damnationem.

Omnes porro non juvenes modo sed & senes, imo cujuscunque status, ætatis & conditionis sumus quilibet, adornemus Iesu nostro, post ritam ad sacram ejus Mensam præparationem, ipsi quoque Mensam eucharisticam, in qua eum laute excipiamus fructibus odorem jucundum late spargentibus, bonorum operum, inter quos præprimis emineat, quantum lenta solet inter viburna compressus, Caritas mutua, quam & hic speciatim suadet expressio illa divi Pauli qua Sacrum Cœnæ Panem vocat *Communionem Corporis Christi*, cum omnes de illo participantes sint *unum capitum Christi Corpus*.

Ultimo

Ultimo tandem videamus, ut digno modo semper grata recolamus mente insignem amorem Salvatoris, quem nobis in sacro hoc epulo exhibet & obsignat. Ah quantum est, quod nos dilexit, imo deperiit dulcissimus Salvator? Quantum est, quod toto corpore nostri caussa sanguinem flevit? Quantum, quod anima & corpore anxietates infernales pertulit? Quantum est, quod incomparabilis hujus dilectionis signa & sigilla, quasi ex carne & sanguine suo confecta, nobis exhibere & in proprias manus tradere non gravatur? Naturam certe dedidicisti, hominem exuisti, & rigidum ferri semina pectus habet, nisi tanto amore, ceu rudente aliquo amoris, imo ænea vel aurea potius amoris catena in amorem mutuum Salvatoris pertraharis, & cum Davide exclames:

*Tot liber toties malis,  
Tot auctus toties bonis,  
Quo tandem officio tibi  
Coner (o Domine!) persolvere grates?  
Te festa dape, te prece,  
Te Libamine prosequar  
Te vitæ columen meæ  
In cœtu populi tui,  
Grata prosequar hostia,  
Damnatus tibi voti.*

Det interim nobis digne hæc omnia exequi Deus, nosque in tanto opere gratia sua ipse clementer juvet! Fiat!